

MBEU YA VHULUTA

 Ndo nanga madekwana ano u itela thero pfufhi, kana mbalo pfufhi, Murena a tshi funa, u ri nea thaluso yayo, i bvaho kha Mateo Mukhethwa 13:24 u swika kha 30. Huno zwenezwo hafhu ndi—ndi ḥoda u vhala u bva kha 36 u swika kha 40, lwa zwikhathi zwi si gathi fhedzi. Zwino Mateo Mukhethwa, ndima ya 13, nahone ri tshi thoma nga ndimana ya 24 ya ndima ya 13 ya Mateo Mukhethwa. Thetshelesani mbalo ya Ipfi nga vhuronwane. Maipfi anga a ḫo kundelwa, fhedzi Awe ha nga kundelwi.

A vha kumedza tshinwe tshifanyiso, a ri, Muvhuso wa ṭadulu u fanyiswa na munna we a zwala mbeu yavhudzi tsimuni yawe:

Fhedzi musi o edela, swina lawe ḥa ḫa huno ḥa zwala mifhunga vhukati ha goroi, huno ḥa ḫuwa.

Fhedzi musi mbemba dzo no mela, nahone dzo no bveledza mutshelo, ho mbo vhonala-vho mifhunga.

Ngauralo vhalanda vha muñe wa nnđu vha da huno vha ri khae, Muñe washu, naa a wo ngo zwala mbeu yavhudzi tsimuni yau? Zwenezwo mifhunga i re nawo i bvafhi?

Huno a ri khavho, Swina lo ita hezwi. Huno vhalanda vha ri khae, U ḫo zwi funa ri tshi mbo ḫi ya...ra i kuvhanganya?

Fhedzi a ri, Aiwa; ni sa do ri musi ni tshi kuvhanganya mifhunga, inwi na i tupula na goroi-vho.

Zwi litsheni vhuvhili hazwo u aluwa zwothe u swika khaṇoni: huno nga tshifhinga tsha yone khaṇo ndi ḫo rumela vhakanī, Thomani nga u kuvhanganya mifhunga, nahone ni i vhofhe ni ite dzikhulana uri i fhiswe: fhedzi goroi i kuvhanganyeleni duluni.

² Naa no dzhieila nzhele, “Kuvhanganyani mifhunga u thoma, nahone ni i vhofhe”? Zwino, ndi tshi khou vhala hezwi, ho vha na tshinwe tshithu tshisisili tsho ḫaho kha mne musi ndo dzula nṭha ha Thavha dza Catalina vhuñwe vhusiku, thabeloni. Huno zwenezwo nda elekanya, naa ndi nga wanafhi ipfi line ndi nga li shumisa kha iyi ye nda ḥoda u amba nga hayo madekwana ano?

³ Huno nda tsa nahone nda wana ipfi ḥa *vhuluta*, ngauralo nda wana thalusamaipfi huno nda sedza zwine ipfi *vhuluṭa* ḥa amba. Huno li amba “u zwala mufhirifhiri,” kana—kana, “u vha zwo fhambanaho,” sa Webster a tshi amba, “u zwala wone mufhirifhiri, tshinwe tshithu tsha thungo,” kana, “u vha zwo fhambanaho na zwo no vhaho hone.” Ngauralo nda elekanya,

thero madekwana ano, ndi do i vhidza: *Mbeu Ya Vhuluča*. Huno ndi fulufhela zwauri Murena u do fhaṭutshedza Ipfi Ławe zwino ri tshi sendela KHALO.

⁴ Huno nahone ri a ḥivha uri O ḥalutshedza, kha ndimana ya 36 na—na u ya kha 43, uri iyi mbeu yo vhibva hani. Huno musi ri khayo, kha ri vhale zwashu na yeneyo, ndimana ya 36 zwino u swika kha 43.

Huno musi Yesu o no *balanganya mavhuthu*, A dzhena nduni: *huno vhafunziwa vhawe vha da khae, vha ri, Ri vhudze zwine tshifanyiso tsha mifhunga ya tsimuni tsha amba*.

Huno *A fhindula a ri khavho, A zwalaho mbeu yavhuđi ndi Murwa-muthu*;

Huno *tsimu ndi shango; mbeu yavhuđi ndi vhana vha muvhuso; fhedzi mifhunga ndi vhana vha muvhosi*;

Swina lo vha zwalaho ndi diabolo; khaño ndi vhufhelo ha shango; huno vhakańi ndi vharuňwa.

Ngauralo samusi mifhunga i tshi kuvhanganywa nahone ya fhiswa muliloni; ngauralo zwi do ralo vhufheloni ha ili shango.

Murwa-muthu u do rumu vharuňwa vhawe, huno vha do kuvhanganya zwithu zweithe zwi khukhulisaho vha zwi bvisa muvhusoni, na avho vha no ita vhutshinyi;

Huno u do vha kudza ngomu ha mulilo, ḥando ya mulilo: huno hu do vha na u tswimila, kana u lila na u shenganya mano.

Zwenezwo vho lugaho vha do penya sa ḫuvha muvhusoni wa Khotsi avho. A re na ndevhe...nga a pfe.

⁵ Uyo ndi Yesu a tshi nea ḥalutshedzo ya tshifanyiso, Ene muńe, ngauralo ri a ḥivha-ha zwine ḥalutshedzo ya amba. Huno zwino ri tshi sendela hetshi, tsha u zwalwa uhu ha mbeu na—na khano, zwino U a tshi ḥalutshedza. Huno zwenezwo ndi tenda uri Yesu o vha a tshi khou amba tshifanyiso itshi ḫuvhani Ławe, fhedzi o vha a tshi tshi dzhia uri tshi do vha vhufheloni ha shango, kana, vhufheloni ha tshikhathi, tshine tsha vha lino ḫuvha. Huno ndi a tenda uri iyi thero thukhu madekwana ano yo tea tshothe awara ine ra khou tshila khayo, ngauri Yesu o amba hafha zwi tshi pfala uri “u kuvhanganywa hu do vha vhufheloni ha lino shango,” uho ndi musi vhufhelo vhu tshi do vha hone; u kuvhanganywa ha goroi, na u kuvhanganywa-vho ha mifhunga na u fhiswa hayo, na u džhenisa goroi Muvhusoni. Huno ndi tenda uri zwo vha nga ndila yeneyi.

⁶ Huno luńwe Luńwalo lu nkhadela kha u tenda nga ndila heyi, ndo ńwala hafha fhasi, ndi Mateo 24:24, he lwa amba izwo, lu tshi amba nga ha tshi—tshidulo, mbeu ya vhuluča. Yesu o amba zwauri iyo mivhili i do vha tsini na tsini u swika i tshi xedza

vhenevho Vhanangiwa arali zwo vha zwi tshi konadzea. Yo Ძodou fana kokotolo.

⁷ Huňwe fhethu kha Luňwalo he zwa űwalwa, zwauri mvula i nela vho lugaho na vha songo lugaho.

⁸ Ndi elelwa tshenzhemu yanga ya u thoma ya u swika he nda da vhukati ha vhatu vha Pentekostala. Ndo vha ndi Mishawaka, Indiana. Nahone ndo vha ndi khuvhanganoni khulwane, holo i no Ძodou nga heyi, he Devhula na Tshipembe dza kuvhangana. Nga nthani ha ayo mađuvha, a khethululo, vho Ძo tea u ūangana n̄ha henengei. Ho vha hu na ndaela khulwane mbili dza vharathu vha Pentekostala. A thi athu vhuya nda pfa nga havho kana nda ūangana navho. Tshifhinga tsha u tou thoma—thoma tshe nda vhuya nda pfa hu tshi ambiwa nga dzindimi. Huno magumoni a mutevhe, wa khuvhangano... Nne ndi si murado vhukati havho, ndo vha ndi tshi tou vha mushumeli muswa wa Baphuthisi, nda dzula henengei murahurahu. Huno ndi elelwa musi wa u thoma ndi tshi pfa muňwe a tshi amba nga dzindimi, a tho ngo vhuya nda ḑivha uri dzo—dzo vha dici malugana na mini. Huno zwenezwo vhanna avha vhavhili, zwihiulwanesa, vho dzula phanda, muňwe a amba nga dzindimi huno muňwe a Ძalutshedza zwe munna a amba. Zwo ralo, nda thoma zwanga u guda Bivhili yanga nga maanda u ya nga he nda kona, benefho nga tshenetsho tshifhinga, huno nda wanulusa zwauri izwo zwo vha zwi Maňwaloni. Hezwo ndi zwine Luňwalo, Muya Mukhethwa u nga ita kokotolo.

⁹ Ndi zwone, hu tshi Ძodou fhela duvha nga murahu ha izwo... Uvho vhusiku mbilu yanga ya dzikuwa nga maanda. Nda edela tsimuni ya mavhele. Ndo vha ndi si na tshelede yo eđanaho u ḑirengela mmbe—mmbe—mmbate, ngauralo ndo tou vha na tshelede yo eđanaho u ntswikisa hayani, huno nda diwanela khekhe, dzo no fhedzaho mađuvha a si gathi, kana dzirolo, dzo vha dici dzone, u itela vhuragane hanga. Huno ndo ūanganedzwa u la navho, fhedzi ndo vha ndi si na tshelede ya u nikela. Mađuvhani ayo, ho vha hu na mutsiko, 1933, ngauralo zwo vha—zwo vha zwi tshi kondja nga maanda. Huno ngauralo nda humbula, “Zwo luga, ndi Ძo... a thi Ძodi u la navho, fhedzi ndi Ძoda u ḑivha zwine vha vha nazwo. Vha na tshiňwe tshirendi si vhe natsho.”

¹⁰ Ngauralo ayo matsheloni ndo vha... vha nkhumbela, “Vhashumeli vhothe idani pulatifomoni huno ni ḑidivhadze, ni vhonnyi, ni bva ngafhi.”

¹¹ Ndi zwone, ndo—ndo sokou ri, “William Branham, muevangeli, Jeffersonville,” nda dzula phasi. Ndi zwone, nga itsho tshifhinga ndo vha ndi mushumeli muťukusa kha pulatifomo. Huno duvha li tevhelaho vha mmbidza kha pulatifomo u amba. Huno nga murahu ha musi ndo no amba, mulandu, ro vha na tshifhinga tshavhuđi, huno zwenezwo nda

thoma u ḥangana na vhatu vho fhambanaho vha tshi nthamba zwivhidzoni zwavho. Zwenezwo ngavhuya vho . . .

¹² Murahu ha izwo, mulandu, nda elekanya, “Arali nda kona u swika he avha vhanna vhavhili vha ndeme vha vhe hone vhe vha amba nga dzindimi nahone vha ḥalutshedza!” Izwo zwo vha zwi tshi khou mphisa mbiluni yanga, ndo zwi tamesa. Ndi zwone, vhunga ndo ni vhudza mathomoni, tshifhiwa tshituku tshine tsha ni ḥela. Ni a ḥivha, mikovhe na mbidzo a zwi na tshanduko, ni nazwo vhutshiloni hanu hothe, ni a vhona, ni bebwa nayo, arali i mikovhe ya Mudzimu. Ngauralo ndi dzulela, u bva ndi tshee lushie lutukuṭuku, zwo ḥi dzulela u bvelela kha nne, vhatu vhane vha nn̄divha vhutshiloni hanga hothe, vha a ḥivha uri ndi ngoho. Ndi zwone, arali ndo elekanya . . . a tho ngo ḥivha zwe zwa vha zwi zwone nga itsho tshifhinga, zwi vhidzeni bono, a tho ngo ḥivha uri ho vha hu mini. Fhedzi ndo elekanya, “Arali ndo vha ndo kona u amba navho!” Ndi zwone, huno maya we wa vha u tshifhaṭoni vhukuma wo pfala sa Muya wa Mudzimu.

¹³ Ngauralo ndo—ndo swika he nda amba na muiwe wavho, huno nda mu vhudzisa mbudziso dzi si gathi, nahone o vha e Mukriste vhukuma o fhelelaho. Ho vha hu si na u timatima khazwo, uyo munna o vha e mutendi wa vhukuma. Huno munna a tevhelaho, musi ndi tshi amba nae, arali ndo vhuya nda ḥangana na muhoin, uyo o vha e muiwe wavho. Uyo munna zwa vhukuma o vha . . . Mufumakadzi wawe o vha e na mavhudzi matshena, nahone o vha e na vhana nae . . . vhana vhavhili na musadzi wa mavhudzi matswu. Huno ndo elekanya, “Ndi zwone, zwino mini-ha? Khezwo, ndo—ndo ḥanganana tshothe. Ndi mutendi tshothe; hu tea u vha Ipf, kana a si zwone. Huno ngoyu uļa Muya, muthihi zwo mu nakela, u ya nga ha zwothe zwine nda ḥivha, wa vhukuma; huno muiwe o vha a si wavhuđi na kathihi; nahone Muya u tshi khou wela khavho vhothe. Zwino, izwo zwi nga konadzea hani?” Ndo ḥo, zwo ḥo mmangadza.

¹⁴ Nga murahu ha miňwaha mivhili, ndo vha ndi tshi khou rabela bakoni he nda vha ndi tshi ya u rabela hone. Ho mbo vha na buse bakoni, huno maňwe masiari nda bvela nn̄da, nda vhea Bivhili yanga kha tshitanda, huno maya wa I vula kha Vhaheberu, ndima ya 6. Ye ya amba, zwauri mađuvhani a u fhedzisela, zwi ḥo vha hani arali ro ḥutshela Ngoho nahone ra divusuludza hafhu kha thembuluwo, ha vha hu si tshe na tshithavhelo tsha tshivhi, na uri mipfa na mitshetshete, ye ya vha i tsini na u laťwa, ine vhufhelo hayo ndi u fhiswa; fhedzi mvula i ḥa kha liphasi, nga misi, u li sheledza, u li ḥama; fhedzi mipfa na mitshetshete zwi ḥo laťwa, fhedzi goroi i ḥo kuvhanganywa. Huno nda elekanya, “Ndi zwone, hu tou vha maya wo bvelelaho wa i vhudzula ya vulea.” Ndi zwone, ndo sokou vhea Bivhili fhasi hafhu. Huno nda elekanya, “Ndi zwone, zwino ndi ḥo tou . . .”

Huno maya ngoyu u a ḏa nahone wa I vhudzula ya vulea. Izwo zwo itea luraru. Huno nda elekanya, “Ndi zwone, zwino, a zwo ngo ḏowelea.”

¹⁵ Huno zwenezwo musi ndi tshi takuwa, nahone nda elekanya, “Murena, mulandu U tshi nga vula iyo Bivhili uri nne ndi vhale izwo, nda . . . musi ndi tshi swika kha izwo, hune ‘mipfa na mitshetshete, i re tsini na u latwa, ine vhufhelo hayo ndi u fhiswa?’” Nda elekanya, “Mulandu, U tshi nga mmvulela izwo ngei?” Huno ndi tshi sedza nn̄da u buđekanya . . .

¹⁶ Zwino, aya mabono a vhukuma a ḏa hu si na na u kokodzela kha inwe gere. Hu tou vha Mudzimu. Ni a vhona? Ndo sedza nahone nda vhona liphasi le la vha li tshi khou mona phanda hanga, nahone ndo vhona lo limiwa lothe. Ho vha hu na munna o ambaraho tshena, a tshi tshimbila—tshimbila a tshi khou zwala goroi. Huno nga murahu ha musi o no tshimbila—tshimbila na govho ya liphasi; ho bvelela munna, o vhonalaho a tshi ofhisa, o ambara zwitswu, huno o vha a tshi khou hasekanya mbeu ya tshene khalo lothe. Vhuvhili hazwo zwo ḏa zwa mela. Huno musi zwo no ralo, vhuvhili hazwo zwo vha zwi na ḏora, ngauri mvula yo vha i tshi ḥodea. Huno tshinwe na tshinwe tsho vha tshi tshi vhonala unga tsho vha tshi tshi khou rabela, na ḥohoh yatsho thukhu yo kotama, “Murena, rumela mvula, rumela mvula.” Huno makole mahulu a bvelela, huno mvula ya nela vhuvhili hazwo. Musi yo ralo, goroi ḥukhu ya fhufha nahone ya thoma u ri, “Rendani Murena! Rendani Murena!” Huno tshene thukhu ya fhufha nga henefho thungo, nahone ya ri, “Rendani Murena! Rendani Murena!”

¹⁷ Huno zwenezwo bono la ḥalutshedzwa. Mvula i nela vhavhi na vhavhuya. Maya wonoyo u nga wela kha muṭangano, huno muñwe na muñwe a takala ngawo: vhahoi, Vhakriste, na vhothe vho ṭangana. Ndi zwone kokotolo. Fhedzi ndi mini izwo? Vha divhea nga mitshelo yavho. Ni a vhona? Ndi yone ndila i yothe ine zwi nga kona u ḥivhea.

¹⁸ Zwenezwo ni a zwi vhona zwino, sa izwo outsi dla daka, kana goroi ya daka na thoro nga tshinwe tshifhinga zwi tshi edzisela thoro vhukuma, ya hayani, zwi tsini lune zwa do fhura vhenevho Vhanangiwa. Ndi humbula uri ri khou tshila kha tshikhathi tshi re tshone, musi izwi zwithu zwi tshi tea u rerwa na u ambiwa nga hazwo.

¹⁹ Dzhielani nzhele kha ndimana ya 41, nahone iyo mivhili i tsini na tsini nga maanda, i tsini mađuvhani a u fhedzisela u swika A songo ita . . . Ho ngo fulufhela kha tshinwe tshihidzo u vha fhandekanya, kha ri ri, Mumethodisi kana Mubaphuthisi, kana Vhapentekostała, u vha fhandekanya. O ri, “U ruma vharuňwa Vhawe u vha fhandekanya.” Muruňwa u khou ḏa u ḏisa khethekanyo, u ḥalula vhukati ha zwi re zwone na zwi si zwone. Huno a hu na ane a nga zwi ita nga nn̄da ha Muruňwa

wa Murena. Ndi Ene a no khou yo amba uri ndi tshifhio tshi re tshone na uri ndi tshifhio tshi si tshone. Mudzimu o ri U do ruma vharuňwa Vhawe zwifhingani zwa u fhedzisela. Hu si vharuňwa phasi u buđekanya *hafha*, fhedzi vharuňwa tshifhingani tsha vhufhelo, nahone vha do kuvhanganya huthihi. Ri a diwha uri hetshi ndi tshifhinga tsha khaņo tshi no khou da zwino. Zwino, *muruňwa* u ḥalutshedzwa zwavhudivhuđi sa “mudinda.” Huno ri a zwi vhona uri hu na vharuňwa vha sumbe vha zwivhidzo zwa sumbe, huno zwino... a hu na, u buđekanya zwikhathi zwa tshividzo.

²⁰ Dzhielani nzhele vhe A ri vho vha vhe vhazwali, na uri mbeu yo vha i mini. Muthihi, muzwali o vha e Ene, Murwa wa Mudzimu, We a tshimbila a tshi khou zwala Mbeu. Huno swina la da murahu Hawe, le la vha li Diabolo, huno la zwala mbeu ya vhuluđa, nga murahu ha u zwaliwa ha Mbeu i re yone. Zwino, dzikhonani, izwo zwo bvelela kha tshikhathi tshiňwe na tshiňwe tshe ra vha na shango. Kokotolo. U bva henengei u rangani, zwo thoma tshithu tsho raloho.

²¹ Zwino O ri, “Mbeu ya Mudzimu, Ipfi la Mudzimu.” Yesu o amba, huňwe fhethu, zwauri “Ipfi ndi Mbeu.” Huno mbeu iňwe na iňwe i do bveledza zwa lushaka lwayo. Huno zwino arali Mukriste, vhana vha Mudzimu, vhana vha Muvhuso vho no vha Mbeu ya Mudzimu, zwenezwo vha tea u vha Ipfi la Mudzimu, Ipfi la Mudzimu lo vhonadzwaho kha tshikhathi tshine vha khou tshila khatsho, u itela Mbeu yo fulufhedziswaho ya itsho tshikhathi. Mudzimu o nea Ipfi Lawe u rangani, huno tshikhathi tshiňwe na tshiňwe tsho vha na Mbeu yatsho, tshifhinga tshatsho, pfulufhedziso dzatsho.

²² Zwino, musi Noaxe a tshi da vhuponi, nahone e Mbeu ya Mudzimu, Ipfi la Mudzimu la itsho tshikhathi.

²³ Musi Mushe a tshi da, ho ngo kona u da na mulaedza wa Noaxe, wo vha u sa do shuma, ngauri o vha e Mbeu ya Mudzimu nga itsho tshifhinga.

²⁴ Zwenezwo musi Kristo a tshi da, Ho ngo kona u da nga tshikhathi tsha Noaxe kana Mushe; ho vha hu tshifhinga Tshawe, uri musidzana a dihwale huno a bveledze Murwa, nahone U do vha Mesia.

²⁵ Zwino, ro tshila kha tshikhathi tsha Luther, tshikhathi tsha Wesley (tshikhathi tsha Methodisi), u tsa na zwikhathi zweithe, na tshikhathi tsha Pentekostała, huno tshikhathi tshiňwe na tshiňwe tshi newa pfulufhedziso ya Ipfi. Huno vhatu vha itsho tshikhathi, vha no vhonadza ilo Ipfi lo fulufhedziswaho, ndi Mbeu ya itsho tshikhathi, u ya nga he Yesu a amba hafhano, “Ndi vhana vha Muvhuso.” Ndi zwone. Mbonadzo ya Muya Mukhethwa u tshi khou shuma nga vhana Vhawe ndi iyo Mbeu ya Muvhuso kha itsho tshikhathi.

²⁶ Dzhielani nzhele, mifhunga yo vha i yone, swina, Sathane, we a zwala mufhirifhiri, kana mbe—kana mbeu ya vhuluța, o vha e ene a re na mulandu wa u ita izwi zwo vhifhaho. Sathane o zwala mbeu yawe u bva u rangani, musi Mudzimu a tshi vhea khaṇo Yawe ya u thoma ya vhathu kha liphasi. Adamu, nga ngoho, u swika zwino, o dīvha uri hu na ndi—ndīvho ya ngoho, na ya zwi re zwone na zwi si zwone, huno ho ngo vhuya a ḫa kha iyo u swika zwino.

²⁷ Fhedzi ri a wanulusa, Mudzimu o ḫea vhana Vhawe Ipfi Lawe u itela Tsireledzo yavho. Yavho... A ri na iñwe Tsireledzo nñdāni ha Ipfi ḫa Mudzimu. Heyo ndi Tsireledzo yashu. A hu na dzibomo, a hu na mishasha, a hu na masia a u khuda, a hu na Maarizona kana Macalifornia, kana huñwe na huñwe hu re hone; hu na Tsireledzo nthihi ri re nayo, huno iyo ndi Ipfi. Huno Ipfi lo itwa ḫama nahone ḫa dzula vhukati hashu, li re Kristo Yesu, ndi Ene Tsireledzo yashu i yothe. Ri Khae, ro vhulungea.

²⁸ Na tshivhi zwatsho a tshi vhalelwi mutendi vhukuma. Izwo no zwi dīvha? Uyo o bebwaho nga Mudzimu, ha iti tshivhi, ha koni u ita tshivhi. Ni a vhona? A tshi vhuyi tsha vhalwa. Mulandu, Dafita o ri, "Wa mashudu ndi munna ane Mudzimu a sa do mu vhalela tshivhi." Musi ni kha Kristo, a ni na lutamo lwa u ita tshivhi. "Muluvhi, o no kunakiswa, ha tshe na luvalo lwa tshivhi," a ni tshi tam. Zwino, kha shango, ni nga vha ni muitazwivhi; fhedzi, kha Mudzimu, a ni hezwo, ngauri ni kha Kristo. Ni nga vha hani kha muitazwivhi ngeno ni kha Uyo a si na tshivhi, nahone Mudzimu u vhona Uyo Ane na vha khae?

²⁹ Zwino itshi ndi tshifhinga tsha khaṇo. U rangani, musi Mudzimu o no zwala Mbeu Yawe kha liphasi nahone o i nekedza mbiluni dza vhana Vhawe, muṭa Wawe, u vhulunga ilo Ipfi, heyo yo vha i yone tsireledzo yavho fhedzi, vhulungani ilo Ipfi! Swina ngeli li a dzhena huno ḫa kwasha uyo mukano, nga u zwala mbeu ya vhuluța, yo fhambanaho na Ipfi ḫa Mudzimu. Arali uvho ho vha vhu vhuluța u rangani, vhu kha di vha hone. Tshiñwe na tshiñwe tshire tsha do engedza tshiñwe na tshiñwe kha Ipfi ḫa Mudzimu, tshi kha di vha mbeu ya vhuluța! A thi londi uri tshi bvafhi, arali tshi tshi bva kha dzangano, arali tshi tshi bva kha zwiko zwa mmbi, arali tshi tshi bva kha maanda a politiki, tshiñwe na tshiñwe tsho fhambanaho na Ipfi ḫa Mudzimu, ndi mbeu ya vhuluța.

³⁰ Musi munna a tshi ima huno a ri u mureri wa Mafhungo-madifha, nahone a ri "maduvha a madembe o fhira," heyo ndi mbeu ya vhuluța. Musi munna a tshi ima huno a amba uri u mushumeli, mufunzi wa tshihidzo tsha huñwe, huno a sa tendi uri Yesu Kristo ndi a sa shanduki nga vhudalo (nñdāni ha muvhili wa ḫama), a sa shanduki mulovha, ḫamusi, na lini na lini, heyo ndi mbeu ya vhuluța. Musi a tshi amba uri "madembe na tshikhathi tsha vhuapostola zwo fhira," heyo ndi mbeu ya vhuluța. Musi vha tshi ri, "A hu na tshithu tshi ngaho phodzo

ya Muya,” heyo ndi mbeu ya vhuluṭa. Huno shango ḥo ḫala yone. I fhanda nahone ya kwanyeledza goroi.

³¹ Ri dzhiela nzhele uri muzwali wa u thoma wa mbeu ya vhuluṭa o divhea sa “Diabolo,” huno ri a divha uri zwo vha zwo ralo, kha Genesi 1. Zwino ri wana uri, na hangeno ngomu—ngomu ha Bugu ya Mateo, ndima ya 13, Yesu u kha ḫi divhadza vhuluṭa vhuñwe na vhuñwe kha Ipfi Lawe sa vhu re “Diabolo.” Huno uno 1956, tshiñwe na tshiñwe tshi zwalaho vhuluṭa, tsho fhambanaho na Ipfi ḥa Mudzimu ḥo ḥwalwaho, kana tsha vhea ḫhalutshedzo iñwe na iñwe yatsho Khało, ndi mbeu ya vhuluṭa. Mudzimu ha nga ḫo tshi hulisa. Ha koni. A zwi nga ḫangani. Hu si na na u timatima a zwi nga ḫo ralo. Zwi fana na mbeu ya lunonya; i nga si ḫangane na tshiñwe tshithu-vho, ni nga si kone u i vanganya na iñwe mbeu, i tea u vha tshithu tsha vhukuma. Mbeu ya vhuluṭa!

³² Zwino ri wana, musi Mudzimu o zwala Mbeu Yawe Tsimuni ya Edeni, ri wana uri yo bveledza Abele. Fhedzi musi Saḥane o zwala mbeu yawe ya vhuluṭa, yo bveledza Kaini. Iñwe yo bveledza o lugaho; iñwe ya bveledza a songo lugaho. Ngauri uyo Efa o thetshelesa ipfi ḥa vhuluṭa, ḥo fhambanaho na Ipfi ḥa Mudzimu, huno ḥa thoma u kungulusa bola ya tshivhi heneffho, huno yo kunguluwa u bva tsheetsho. Huno a ri nga ḫo vhuya ra zwi bvisela mnđa tshoṭhe u swika vharuñwa vha tshi ḫa huno vha zwi fhandekanya, huno Mudzimu a isa vhana Vhawe kha Muvhuso, huno mifhunga i ḫo fhiswa. Dzhielani nzhele iyo miṭokola mivhili.

³³ Arali ro vha ri na tshifhinga tshinzhī kha iyi ḫohoho, u tou kwama fhedzi dzimbuno khulwane, uri ri kone u džhenā kha u rabelela vhalwadze kha miniti i si gathi i ḫaho.

³⁴ Dzhielani nzhele, mbeu dzavho dzo aluwa dzoṭhe u tou fana kokotolo sa zwe Mudzimu a amba na hangeno kha ndima ya 13, ya liñwalwa lashu ano madekwana, ḥa Mateo, “Zwi litsheni zwi aluwe zwoṭhe.” Zwino, Kaini o ya shangoni ḥa Nodo, a diwanela mufumakadzi, huno a mala; huno Abele a vhulawa, huno Mudzimu a vusa Sethe u dzhia vhuimo hawe. Huno mirafho ya thoma u ḫalukanya, vhukati ha zwi re zwone na zwi si zwone. Zwino, ri a dzhiela nzhele uri vho kuvhangana, muñwe na muñwe wavho, zwifhinga zwi tshi tevhekana, huno Mudzimu a tea u . . . Wo swika he wa vhfifa nga maandā u swika Mudzimu a tshi tea u u tshinyadza.

³⁵ Fhedzi phedziselonī dzo bvelela u swika vhuvhili ha idzo mbeu, mbeu ya vhuluṭa na Mbeu ya Mudzimu, dzi tshi bveledza ḫohoho dzadzo dza vhukuma, huno idzo dzo fhelela kha Yudasi Iskariote na kha Yesu Kristo. Ngauri, O vha e Mbeu ya Mudzimu, O vha e mathomo a tsiko ya Mudzimu, O vha e si tshiñwe tshi re tshiñku kha Mudzimu. Huno Yudasi Iskariote o bebwa e murwa wa tshinyalo, u bva heleni, o humela heleni. Yesu Kristo o vha e

Murwa wa Mudzimu, Ipfi ḥa Mudzimu ḥo vhonadzwaho. Yudasi Iskariote, kha vhuluṭa hawe, o vha e mbeu ya Diabolo, o ḫa shangoni, nahone u itela vhufhura; u fana na zwe a vha e zwone u rangani, Kaini, khotsi awe wa u thoma.

³⁶ Yudasi o vha a tshi tou ya tshivhidzoni fhedzi. O vha a sa fulufhedzei vhukuma. O vha a sa tou vha na lutendo zwavhuđi; o vha a tshi do vha a songo fheṭa Yesu. Fhedzi, vhonani, o zwala iyo mbeu ya vhuluṭa. O humbula uri u do ita vhuṭama na shango, mamona, huno a dovha a vha na vhukonani na Yesu, fhedzi o vha o no lengesa u ita tshiňwe tshithu nga hazwo. Musi awara ya lufu yo swika, musi o ita uvhu vhuvhi, o pfuka mutalo u fhandekanyaho u ya phanda na u humela murahu. O do tea u bvela phanda nga ndila ye a ṭuwa ngayo, sa mufhuri. O zwala mbeu ya vhuluṭa, a lingedza u wana u takalelwa nga ayo madzangano mahulu a ilo ḫuvha, a re na Vhafarisei na Vhasadukei. Huno o humbula uri u do diitela tsheledenyana, nahone u do divhea vhukati ha vhathu. Arali izwo zwi sa itisi vhathu vhanzhi nga maanda u dzhena kha uvho vhuluṭa, vha tshi khou lingedza u wana u takalelwa nga muthu! Kha ri wane u takalelwa nga Mudzimu, hu si nga muthu. Fhedzi izwo ndi zwe Yudasi a ita musi uvhu vhuluṭa vhu tshi khunyelela khae.

³⁷ Huno ri a divha uri Yesu o vha e Ipfi, Yohane Mukhethwa 1, yo ri, “U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ḥama nahone a dzula afha vhukati hashu.” Zwenezwo, Ipfi ndi M̄beu, zwenezwo M̄beu i vha ḥama nahone ya dzula vhukati hashu.

³⁸ Arali Yudasi o vha e mbeu ya swina na vhuluṭa, na yone i di vha ḥama nahone ya dzula vhukati hashu nga muthu Yudasi Iskariote. Ho ngo vhuya a vha na lutendo lwa vhukuma, lwa vhukuma. O vha na tshe a humbula uri ndi lutendo. Hu na tshithu tshi no nga u vha na lutendo; na lutendo lwa u hoyo.

³⁹ Huno lutendo lwa vhukuma lwa Mudzimu lu do tenda kha Mudzimu, huno Mudzimu ndi Ipfi, a lu nga do engedza tshiňwe Khalo. Bivhili i ri vhudza uri arali ra engedza ipfi lithihi, kana ra bvisa Ipfi lithihi, mukovhe washu u do bviswa Buguni ya Vhutshilo, Nzumbululo 22:18, ndima ya u fhedzisela ya u vala.

⁴⁰ Kha mathomo a u ranga, Bugu ya u thoma ya Bivhili, Mudzimu o vha vhudza u sa vunda Ipfi lithihi Layo, “Ipfi linwe na linwe li tea u vhulungwa,” vha tea u tshila nga ilo Ipfi. Yesu, vhukati ha Bugu, o ḫa nahone a amba izwo tshikhathini Tshawe, huno a ri, “Muthu a nga si tshire nga vhuswa fhedzi, fhedzi nga Ipfi linwe na linwe li—li bvaho mulomoni wa Mudzimu.” Huno nga tshikhathi tsha u vala tsha Nzumbululo, zwo bulelwaho rine, uri “Ane a do bvisa Ipfi lithihi kha Bugu, kana a engedza ipfi lithihi Khayo, mukovhe wawe u do bviswa Buguni ya Vhutshilo.”

⁴¹ Ngauralo a hu nga vhi na li no nga lo humbulelwa, la vhukuma fhedzi, Ipfi la Mudzimu li songo vangwaho! Havho ndi vharwa vha Mudzimu, vhananyana vha Mudzimu, vha songo bebiwaho nga lufuno lwa muthu, kana nga u khadana, kana luñwe lushaka lwa ndovhedzo; fhedzi vho bebwa nga Muya wa Mudzimu, nga Muya Mukhethwa, huno Ipfi li tshi Divhonadza ngavho. Heyo ndi Mbeu vhukuma ya Mudzimu!

⁴² Swina li dzhoina tshivhidzo huno la vha li tendaho nga maanda kha ndaela kana tshiñwe tshithu. Fhedzi izwo a si... Izwo ndi vhuluña, tshiñwe na tshiñwe tshi dzhenelelaho kha iyo sefo ya Ngoho ya Ipfi la Mudzimu.

⁴³ Huno ri zwi divha hani? Ri ri, "Ndi zwone, vha, ni na pfanelo ya u Li ḥalutshedza?" Hai, muñe wanga! A hu na muthu a re na pfanelo ya u ḥalutshedza Ipfi la Mudzimu. U muṭalutshedzi wa Ene Muñe. U a zwi fulufhedzisa, zwenezwo U a zwi ita, zwezwo ndi ḥalutshedzo yało. Musi O Li fulufhedzisa, zwenezwo U a Li khunyeledza, iyo ndi ḥalutshedzo Yało. Tshiñwe na tshiñwe tsho fhambanaho na Ipfi la Mudzimu ndi vhuluña! Zwa vhukumakuma!

⁴⁴ Zwino, vhunga ndo amba, Yudasi o vha a si na lutendo lwa vhukuma. O vha e na lutendo lwa u hoyo. O vha e na lu—lutendo lwe a humbula uri uyo o vha e Murwa wa Mudzimu, fhedzi ho ngo zwi divha uri uyo o vha e Murwa wa Mudzimu. O vha a tshi do vha a songo zwi ita. Huno munna ane a do dzhieila fhasi uri ili Ipfi la Mudzimu ndi Ngoho, u na lutendo lwa u hoyo. Mulanda vhukuma wa Mudzimu u do kondelala kha ilo Ipfi.

⁴⁵ Masiku a si gathi o fhiraho, muñwe mushumeli, wa Arizona, wa tshikolo tshihulu, tshi divheaho afha mudini uyu, o da kha nne huno a ri, "Ndi—ndi ḥoda u vha onyołosa kha tshiñwe tshithu," (Nda ri...) "musi vha tshi wana tshikhala."

Nda ri, "Hetshi ndi tshikhala tshavhuđisa tshine nda tshi divha. Iđani ngeno."

⁴⁶ Huno ngauralo a da ngeno, a ri, "Vho-Branham, vha khou lingedza...ndi a tenda uri vha a fulufhedzea nahone vha na vhufhulufhedzei, fhedzi vha khou lingedza u divhadza kha shango Pfunzo ya vhuapostola." Huno a ri, "Tshikhathi tsha vhuapostola tsho guma nga vhaapostola."

⁴⁷ Nda ri, "Tsha u thoma tshine nda do tama u ni vhudzisa, murathu wanga, ni a tenda uri Ipfi liñwe na liñwe la Mudzimu lo hevhedzwa?"

A ri, "Ee, muñe wanga, ndi a tenda hu si na na u timatima."

⁴⁸ Nda ri, "Zwenezwo, ni nga ntsumbedza kha Ipfi he tshikhathi tsha vhuapostola tsha guma? Zwino, ntsumbedzeni hune zwa vha hone, ndi do tendelana na inwi." Huno nda ri, "Muñwali wa zwa vhuapostola, uyo we a vha e na khii dza Muvhuso, nga duvha la Pentekoste musi tshikhathi tsha

vhuapostola tshi tshi divhadzwa, vho ri, ‘Vhanna na vharathu, ri do ita mini uri ri tshidzwe?’ O ri, ‘Shandukani, muñwe na muñwe wanu, huno ni lovhedzwe Dzinani la Yesu Kristo, hu vhe u hangwelwa zwivhi, huno ni do tanganedza tshifhiwa tsha Muya Mukhethwa, ngauri pfulufhedziso lo nekedzwa inwi na vhana vhaṇu, na avho vha re kule, na vhanzhi vhane Murena Mudzimu washu a do vha vhidza.’ Zwino, Ipfi li nga kona hani u Dihanedza?”

Munna a ri, “Ndo dzenwa nga phepho i shavhisaho madekwana ano.”

Nda ri, “Ndi elekanya ngauralo, na nñe-vho.” Ni a vhona?

⁴⁹ Zwino mmbudzeni, naa Mudzimu u kha di vhidza? Arali Mudzimu a kha di vhidza, zwenezwo tshikhathi tsha vhuapostola tshi kha di vha hone. A hu na na thimothimo! Na vhanzhi vhane Murena Mudzimu washu a do vha vhidza, a vhuya a vha vhidza, a do vhuya a vha vhidza, na vhanzhi vhane A do vha vhidza, tshi do vha tshi tshi kha di vha tshikhathi tsha vhuapostola, ngauri Yesu Kristo ndi a sa shanduki mulovha, ñamusi, na lini na lini.

⁵⁰ Zwino, ñamusi ri wana uri uvhu vhuluța ho zwaliwa kha tshikhathi tshiñwe na tshiñwe. Arali zwo vha zwi tshi konadzea u vhu wana kha miniti ya fumi kana fumithanu i tevhelaho, ndo vha ndi tshi do zwi ita, fhedzi ni nga si zwi ite. Zwikhathi zwi tshi di ya... Rothe, vhunzhi hashu rothe ri vhala Bivhili. Huno zwino u fana na musi Yesu a tshi da, nahone A wana uvho vhuluța, vhu ha thungo. O vha e Ipfi lo vhonadzwaho, O vha e þhalutshedzo ya Mudzimu ya Ipfi, ngauri O ri, “Tolani Mañwalo, ngauri Khao ni elekanya uri ni na Vhutshilo Vhu Sa Pheli, huno ndi one ane a ñanziela nga ha Nñe.” Khezwo-ha. O—O vha e þhalutshedzo ya Ipfi. Huno muñwe na muñwe murwa na ñwananyana wa Mudzimu o bebwaho hafhu wa tshino tshikhathi ndi þhalutshedzo ya Ipfi. Ni epistola dzo ñwalwaho, dzi vhalwaho nga vhatu vhoþe. Ee.

⁵¹ Dzhielani nzhele, O ri, “Vha Nndosha lwa fhedzi, vha tshi khou funza vhuluța sa Pfunzo. Vha Nndosha lwa fhedzi, vha funza Pfunzo ya vhuluța, pfunzo ya muthu, maitele a muthu, vha tshi khou funza izwo sa Ipfi la Mudzimu, ngeno zwi si na hune zwa kwamana na Ipfi la Mudzimu.”

⁵² Vhonani, tshikhathi tshinwe na tshinwe tsho bveledza tshiliñwa tsho raloho, tshikhathi tshiñwe na tshiñwe tsho zwi ita, huno tshashu a tshi na u sa ralo. Ri na tshenetsho tshithu, na tshikhathi tshihulwane tshatsho u fhira zwiñwe zwikhathi zweþe zwo ñangana, ngauri hovhu ndi vhufhelo ha divhazwakale ya shango. Uvhu ndi vhuluța vhuhulu he ha vhuya ha vha hone kha lifhasi, vhu kha lifhasi loþe ñamusi. Vhuluța kha zwiñwe zwikhathi ho vha kokodzela kule ha Mudzimu wa nogoho nahone a tshilaho, vha ya kha midzimu isili. Ñamusi, Yesu

o amba kha Mateo 24:24 uri zwi ḋo vha tsini na tsini, zwi ḋo fhura vhenevho Vhanangiwa arali zwō vha zwi tshi konadzea. Ambani nga ha vhuluṭa! Oho, ho thanyesa. Sathane u vhukati ha vhathu, nahone a tshi tou vha mugudi wa zwa vhurereli, Dokotela o raloho wa Vhukhethwa, a nga funza ilo Ipfī nga ndila ine ya ṭodou nga yone—yone. Yesu o ralo. Fhedzi itounu mū sedza, hu ḋo vha na huṇwe. Ha pfi, “Ndi zwone, zwino, hezwo zwe vha zwi si zwa hezwi.” Ohoo, ee, ndi zwone, na zwone-vho, ni a vhona, ngauri Mudzimu o ri zwe vha zwe ralo.

⁵³ Vhonani zwe ha ita. Honoho vhuluṭa ho disa mbiti dza Mudzimu kha maduvha a Noaxe, musi Mudzimu o rumela muporofita Wawe huno a rera sa mulilo u dugaho, a vhidzelela tshanduko kha vhathu, huno vhuluṭa ha nwela khothe. Zwenezwo Sathane o itani? O da nga murahu, e kha Hamu, huno a thoma u vhu zwala hafhu. Ndi zwone kokotolo.

⁵⁴ Ho mbo da Mushe, muporofita muhulu, u bvisa vhana vha Israele sogani. Ho bvelela mini? Mushe, muporofita muhulu wa Mudzimu, a tshi khou vha disela Ngoho vhukumakuma, Ngoho yo khwāṭisēdzwaho. O vha o no ṭangana na Mudzimu. Mudzimu o zwi sumbedza uri o vha o no ṭangana Nae. Nga ndila ye avho vhathu murahu henengei, avho vhotshifhe, nahone vhe na vhurereli havho, maitele avho, mirabelo na zweṭhe, fhedzi Mushe o ima sa khwāṭisēdzo ya ṭhalutshedzo ya Ipfī. Hezwo ni songo zwi hangwa! Mushe o vha e ṭhalutshedzo ya Mudzimu ya pfulufhedziso Yawe. O ri u ḋo zwi ita; o vha e ṭhalutshedzo ya Mudzimu.

⁵⁵ Ho bvelela mini? Tshivhidzo tsho vha tshi kha di bva u thoma u bva Egipita, nga milenzhe yatsho maduvha a si gathi, huno ha bvelela mini? Sathane o mbo da na vhuluṭa hawe kha muthu, Kaini wa vhuvhili, we a vha e Biliamu, huno a zwala vhuluṭa vhukati havho. Ri a divha uri ndi zwone. Uri Biliamu, pfunzo ya Biliamu, ya uri, “ri a fana roṭhe, ri shumela Mudzimu onoyo ane na mu shumela,” lwa ndeme, o vha e kha ngoho, ngauri o ḥekedza tshīṭavhelo tshe Mudzimu a ḥekedza; thutha dza sumbe, mbohwana dza sumbe kha alīṭari dza sumbe, nahone a rabela Mudzimu onoyo u tou fana tshoṭhe—tshoṭhe na zwe Mushe a ita ngei sogani, zwa tou fana kokotolo. Fhedzi vho vha vha sa fani! Zwe vha zwi tshi ri sumbedza zwine zwa ḋo bvelela. Hafhu, hafhu ho vha hu na, Kaini o vhonadzwaho e kha mu-muthu Biliamu. Huno ho vha hu na Mudzimu o vhonadzwaho e kha muthu Mushe, a tshi khou ṭalutshedza Maipfi Awe nga muthu, a tshi khou Didivhadza, pfulufhedziso Yawe, nga muthu. Huno vhuluṭa ha takutshedza.

⁵⁶ Ngauralo ho zwi ita tshifhingani tsha Yudasi, ngoyo u da na vhuluṭa hawe.

⁵⁷ Huno, elelwani, itsi tshivhi tshe avho vhathu vha tenda, zwauri “ri a fana roṭhe, ri luvha Mudzimu onoyo, ri tea u vha vha

tshivhidzo tshithihi rothe, ri tea u vha vhathu vhathihi,” Israele ho ngo vhuya a hangwelwa itsho tshivhi! Yesu o amba, Ene muñe, “Vho fa vhothe!”

⁵⁸ Vho lovha, vhothe nga nnđa ha vhararu. Avho ndi avho vhe vha farelela nahone vha tenda pfulufhedziso. Musi a shayaho nungo o ri, “Ri nga si dzhie shango, nahone ndi zwiħulusa kha riñe,” na zwiñwe-vho; Kalebe na Yoshua vha khuthadza vhathu, nahone vha ri, “Ri kona zwiħulusa u li dzhia, ngauri Mudzimu o ri fulufhedzisa lone! A thi londi uri vhukangi ndi vhufhio!”

⁵⁹ Huno ri kha ñi rera phodzo ya Muya, na ndovhedzo ya Muya Mukhethwa, nahone ri tshee na maandà a Mudzimu a u ri fhambanya na zwithu zwa shango. Mudzimu o ralo! Tshikhathi tsha vhuapostola a tsho ngo vhuya tsha guma, nahone a tshi nga gumi, tshi bvela phanda.

⁶⁰ Ngauralo, ri wana muzwali onoula wa kale wa vhuluța. Huno elelwani, itsho tshivhi a tsho ngo vhuya tsha hangwelwa. Zwino, murathu, arali tshi songo vhuya tsha hangwelwa nga itsho tshifhinga, zwi ño vha hani zwino musi mbe—mbeu ya vhukuma ya zwiħkathi zweþe i tshi kuvhangana?

⁶¹ Dzhielani nzhele itshi tshithu tshihulu tshe Biliamu a ita, tsho bvela phanda na phanda, huno phedziseli tsho guma nga u ña ha—ha Yudasi Iskariote, na Yesu. Ho vha hu mini? Yudasi na Yesu vho vha vhe tshifanyiso tsha Kaini na Abele kokotolo. Ngauri, vhunga Yudasi o vha e wa vhurereli, na Kaini o vha e wa vhurereli. Kaini o fhaþa alitari, o ita tshithavhelo, o luvha Mudzimu, o vha a tshi tou fulufhedzea tshothe khaho sa zwe ulà muñwe a vha e zwone. Fhedzi, ni a vhone, ho ngo vha na nzumbululo ya zwe Ipfi la vha li zwone. O humbula uri ho vha hu Adamu na Efa vho ñaho mañwe maapula kana miñwe mitshelo. Huno Kaini... Abele, nga nzumbululo, o ñivha uri zwo khakhea; ho vha hu malofha e a vha bvisa, huno a nekedza ngwana. Huno Mudzimu o ñanziela uri tshithavhelo tshawe ndi tshone. Zwenezwo a vha na vivho nahone a lingedza u vhulaha murathu wawe. Huno samusi o vhulaha murathu wawe kha alitari yeneyo ye tshithavhelo tshawe tsha fela khayo, ngwana yo fela kha alitari, na Yudasi Iskariote o fheþa Yesu Kristo kha alitari ya Mudzimu, huno a Mu vhulaha u tou fana na Kaini o vhulaha Abele. Ngauri, Kaini o vha e mbeu ya vhuluța.

⁶² Huno na Biliamu o vha o ralo, muporofita o hirwaho, munna a no tea u ñivha zwa khwine. Huno Mudzimu o mu tsivhudza nga zwiga na zwimangadzo, huno na meila i tshi khou amba nga ndimi dzisili, huno naho zwo ralo a ñi bvela phanda nga u tou ralo. O vha o bebelwa u vha mu—muzwali wa vhuluța.

⁶³ Huno arali Yesu o bula uri tshino tshikhathi tshi ño guma nga vhuluța vhuhulusa u fhira he ha vhuya ha vha hone, tshikhathi tsha tshivhidzo tsha Laodikea, tshi no dudela, tshe tsha Mu bvisela nnđa ha tshivhidzo, hu nga vha hani tshiñwe-vho arali

hu si uvho vhuluṭa! A hu na na thimothimo, ndi hone. Vhu guma nga itsho tshikhathi.

Huno ho vha hu Kaini na Abele hafhu kha Khalivari.

⁶⁴ Zwino dzhielani nzhele, tshifhinga tshoṭhe, Yesu a tshi tou ḥuwa fhedzi, o dzhena Ṭadulu, Muya Mukhethwa wa rumelwa murahu. Heyo yo vha i Mbeu, Mun̄ei-wa-vhutshilo kha Ipfi, sa zwe ra amba vhusiku ho fhiraho. Ndi Ene ane a hanyisa Ipfi. U *hanyisa* zwi amba “u disa Vhutshiloni.” Muya Mukhethwa vhukuma u disa fhedzi Ipfi Vhutshiloni uri ndi Lone. U nga si dise ndaela Vhutshiloni, A u koni, ngauri A u tshithu kha ndaela. Ndi Vhutshilo ha Ipfi la Mudzimu, ngauri Ndi Mudzimu. Ni a vhona? Huno U hanyisa uyo Muvhili.

⁶⁵ Zwino dzhielani nzhele, sa zwe vha ita. Zwenezwo, na Bivhili yo ri, na—na Yohane o amba na vhana vhawe nahone a ri, “Vhana vhaṭuku, no no pfa nga ha muvhangisakristo we a do tea u da shangoni,” a ri, “ane a vha uri o no vha shangoni, nahone u khou shuma ngomu ha vhana vha u sa pfa.” Zwino, uyo o vha o no vha hone nga murahu ha miñwaha i no ṭodou swika mahumi mararu nga murahu ha u da ha Muya Muñkhetwa. Ri wana, musi Muya Mukhethwa u tshi da, Mbeu vhukuma, Mun̄ei-wa-vhutshilo wa vhukuma kha Mbeu, zwenezwo hafha hu bvelela uvho vhuluṭa ngomu hafhu. Huno dzhielani nzhele, ho bvela phanda. Ho no...

⁶⁶ Ipfi vhukuma lo no khwaṭhisizedza, avho vhaporofita vha kale vho no khwaṭhisizedza Ipfi la Mudzimu u vha Ngoho musi vha tshi tsa. Arali muñwe o vhuya a vhala Khoro ya Nicaea, kana Khoro ya U Rangela Nicaea, ayo maduvha a fumiṭhanu a politiki ya malofha, musi itsho tshigwada tsha Vharoma fhasi henengei tshi tshi ṭoda u dzenisa na u vhumba dinomineisheni i bvaho kha itsho tshivhidzo. Vhaporofita vho dzhena, vho putelwa nga mukumba wa nngu, vha tshi la miroho, nahone vha imela ilo Ipfi! Fhedzi two itani? Zwo do tea unga Kaini, two do tea unga Abele, muthihi o do tea u fa. A hu na na thimothimo, two ralo. Huno Ipfi lo xelewka nga ṭhuthuwedzo Yało vhukati ha vhatħiu, huno vhoṭhe a vho ngo nanga Ipfi la ngoho huno vha dzhia dogima dza vhuluṭa dza tshivhidzo tsha Kaṭolika tsho whilulaho. Vho engedza nga mupapa, vho engedza nga mubishopo, vha engedza nga *itshi*, *itsho*, *tshiła*. Vho ṭusa zwine vhukuma Petro la amba zwone, na la—la—la Maria, na—na zwiñwe zwazwo zweṭhe; huno vha ita midzimu isili, huno vha sa ite tshithu nga nnđa ha vhūṭambo ha tshihedeni nga vhurereli vhu no sokou vhidzwa ha Tshikriste. Ho vha hu mini? Mbeu ya vhuluṭa! Huno ho dzudzanywa, ha dzudzanywa, lwa u tou thoma kha lifhasi, tshivhidzo. Ho vha hu mini? Iyo mbeu ya vhuluṭa ye ya thoma u zwala, tshiñwe tshi no khou qadzisa, tshi tshi ṭusa.

⁶⁷ Ndi nnyi o vhuyaho a pfa, Bivhilini, hu sa liwi ɣama nga ḥavhuṭanu? Ndi nnyi o vhuyaho a pfa, Bivhilini, nga ha tshiñwe

tsha u shasha vhudzuloni ha u lovhedza, u mbwandamedza? Ndi nnyi o vhuyaho a pfa nga ha izwo zwithu, "Ri a losha, Maria" kana tshiňwe tshithu? Ndi nnyi o vhuyaho a pfa nga ha vhuňwe ha vhuťafuťafu uvhu ho sinaho ha avha Vhaporotestanti, na vhone-vho? Munwe a u disumbi. Ndi zwone! U tou, vha na mulandu kha zwițuku ndi u vha na mulandu kha zwothe! Ndi nnyi o vhuyaho a pfa Mudzimu a tshi shuma kha dzangano? Ntsumbedzeni tshiňwe tshifhinga tshe muňwe a vhuya a dzudzanya nahone a vhuya a tshila. Vho fa nga u ḥavhanya, nahone a vho ngo dovha vha vuwa! Ndi tshifhinga tsha uri tshiňwe tshi bvelele, ndi tshifhinga tsha uri Mudzimu a shume. Zwo vhulaha ḥuťhuwedzo vhukati ha vhathu.

⁶⁸ Zwi fanaho na izwo two itwa ńamusi. Vha vhulaha ḥuťhuwedzo, vha ri, "Oho, itsho tshigwada tsha vhakhethwa vha vhumbuluwaho, a hu na tshithu khavho." Huno, mulandu, ndi vhuluța! ḥanganani na Ipfi no livhana huno ni vhone zwine La vha zwone, ni vhone arali Mudzimu a tshi ḥalutshedza Ipfi la Ene Muñe. Mudzimu u a kona u vusela Abrahamu vhana kha haya matombo. Amene.

⁶⁹ Ipfi lo no khwařisedzwa tshothe nga Vhatendi vho whilulaho, nga ndila ye Mudzimu a vha vhofholola kha zwothe, na malwadze, huno vho vha na vhaporofita, nahone vho amba nga dzindimi, vha ḥalutshedza, nahone vha ńea milaedza ye ya sumbedza u vha ya ngoho kokotolo tshifhinga tshothe. Fhedzi naho Ipfi lothe lo khwařisedzwa, vhathu a vho ngo Li nanga, huno vho nanga dinomineisheni. Ndi mme a madzangano othe.

⁷⁰ Vhuvhili hao o aluwa tshothe zwino. O thoma u vha na mbeu hafhu. Yo fa, fhedzi ya fhufhuma hafhu mađuvhani a Luther, samusi ri tshi ćivha nga mulaedza wa u ranga hafhano nga matsheloni a vhurangane. Yo guma u fhufhuma ḥuvhani la Luther. Zwino vho ita mini? Nga u ḥavhanya nga murahu ha u fa ha uyo munna muhulu, vho vhumba dzangano.

⁷¹ Yo guma u fhufhuma. Huno hafhu mađuvhani a John Wesley, musi avho Vhaangilikheni, na vhutsireledzi havho hothe ha u ya nga hu sa fhelii na tshiňwe na tshiňwe tsho no di vhu vhofhelela hune ha ḥodou vha dokotirini ya tshidzo tshothe, huno ha bvelela mini? Mudzimu o vusa munna a no pfi John Wesley, huno a shidzhekanya tshithu tshothe. Huno musi a tshi tou fa, ene na Asbury na vhařwe, ho bvelela mini? Vho dzudzanya, huno zwino ni na tshaka dzothe dla Vhamethodisi. Zwenezwo ha mbo da muthihi kana muňwe, Alexander Campbell, John Smith, na vhařwe vhanzhi.

⁷² Phedziseleni, ho bvelela Pentekoste, i tshi khou bva khalo lothe. Ho bvelela mini-ha? Vho gidima zwavhuđi, ndi mini tsho ni khakhisaho? No humela murahu kha thophe yeneila ye na bva khayo, henengei murahu madini mathihi a tshika, no humela murahu kha vhuluța na u vhumba madzangano, no do tea u

dzhiela Ipfi fhasi. Huno tshifhinga tshiñwe na tshiñwe Mudzimu o rumela tshithu tthiswa, a no ngo tshi ḥanganedza. Ndi zwone! Vhuluṭa hafhu! Huno, dzhielani nzhele, vhunga ndo amba liñwe duvha, ilo gandanyana la u thoma line la bvelela kha uyu mudzi, li da nt̄ha kha maṭari na nt̄ha kha malevudzi, zwenezwo la humela kha ḥanga hafhu, huno la bva. Ilo gandanyana la goroi li ḥodou fana na thoro yone ine, huno ro humbula uri yo vha i yone, fhedzi musi ni tshi li vula, a hu na thoro afho na kathihi. Li tou vha fhedzi thikho ya thoro uri i aluwe ngalo, huno na lone li a fa, huno vhutshilo vhu a bva khało nahone ha dzhena kha thoro. Dzhielani nzhele, ngauralo vha vhidza zwivhidzo zwe zwa zwala...

⁷³ Ri wana uri namusi zwi no sokou vhidza zwivhidzo zwashu, na kha Vhapentekostała vhashu, ro bva, a ro ngo kona u fushea, ro do tea u vhumba zwigwada zwa riñe vhane. Tshiñwe na tshiñwe tsha da, ra tea u vha na *hetshi*, ra tea u vha na *hetshi*, ra tea u vha na tshiñwe tshigwada. Huno uyu muthu a takuwa, a ri, "U khou da e kha gole litshena." Muñwe a ri, "Uh-huh, U khou da e kha bere tshena." "Zwo luga, ri do vhumba zwigwada zwivhili." Ni a vhona, ndi mini? U zwaliwa ha vhuluṭa! Musi A tshi da, naho hu mini, U do ḥalutshedza Ipfi Lawe Ene muñe musi A tshi da. Kha ri lindele u swika itsho tshifhinga. Pfesesani... Ri tshi khou amba nga ha izwo, a ni vhuyi na pfesesa Mulaedza wa duvha. Tshifhinga tshoṭhe hu sumbiwa zwine Mudzimu a khou ya u ita, kana zwe A ita, huno hu sa ḥogomelwi zwine A khou ita. Ndi nga ndila ine ra wana maluṭa khazwo.

⁷⁴ Zwino ri dzhiela nzhele uri zwivhidzo zwashu namusi, zweṭhe-zweṭhe zwivhidzo zwashu two zwala, huno zwi khou kaña. A ri na miṭangano ya thabelo, a ri na tshumelo dze ra vha ri tshi vha nadzo. Mulandu ndi mini? Ro no litshedza kha tshiñwe na tshiñwe. Vhonani, na kha zwivhidzo zwashu zwa Pentekostała, two dzula two ḥala vhasadzi vha mavhudzi o lukiwaho. Hezwo two vha zwi sa anzeli u tendelwa. Zwifhaṭuwo two penndwaho, vho dodza pholishi kha nala dza minwe, tshakha dzoṭhe dza zwithu; ni wana munna afha e na... u fana na Rickies na vhañwe-vho; o mala luraru kana luṇa, nahone madikoni; oho, ndi vhuluṭa-de! Ndi tshika! Vha zwi ita hani? Mudzimu o vha a si nga vhi nazwo Tshivhidzoni Tshawe, vha tea u ya kha dzangano uri vha dzhene khazwo. Muñwe u a ofha u amba tshiñwe nga hazwo, ngauri vha do rahelwa nnnda ha dzangano. Mudzimu, ri nee vhanna vha si na vhutumani na tshiñwe tshithu nga nnnda ha Mudzimu na Ipfi Lawe, vhane vha do amba Ngoho nga hazwo. Ndi zwone kokotolo zwine ra zwi ḥoda. Ro ita mini? Ro zwala vhuluṭa. Ro zwala, huno zwino ri khou kaña.

⁷⁵ Dzhielani nzhele uri zwino i khou kuvhanganyelwa u fhiswa. No zwi dzhiela nzhele, Yesu o ri, "Thomanī, ni i kuvhanganye, ni i vhofhe, huno zwenezwo ni vheye kħulana dzoṭhe kha thulwi

nthihi, huno Ndi do dici fhisa.” Hu na khulana thukhu i no pfi Methodisi, Baphuthisi, Puresbiterieni, Luṭere, dzothe dici khou kuvhangana kha Khoro ya Lifhasi ya Dzigereke. Ndi mini? “I kuvhanganyeni u thoma!” Haleluya! No zwi diciela nzhele, U kuvhanganya mifhunga u thoma, u i bvisela kule ha goroi, u a zwi fhandekanya, “I kuvhanganyeni nahone ni i fhise.” Yothe i khou ya u fhiswa nga khaṭhulo dza Mudzimu, nge ya zwala vhuluța vhukati ha vhathu, zwithu zwe ya... Vha na tshifanyiso tsha u nga vha ofha Mudzimu, huno Maanda awe vha tshi a landula, vha tshi landula Ipfi, u itela fhedzi u farelela kha mirabelo ya vhurereli, ya dogima ye muñwe a i dzhenisa ngomu, a tshi khou lingedza u dzhenisa kha Ipfi la Mudzimu. A zwi nga shumi. Ndi vhuluța.

⁷⁶ Ndi a zhamba ñamusi, sa zwe zwa vha zwi zwone, muporofita muhulu wa kale, Amosi, musi a tshi tsela ngomu ha uyo mudi, o ri, “A thi muporofita, kana murwa wa muporofita. Fhedzi arali ndau i tshi vhomba, ndi nnyi ane a sa do ofha!” O ri, “Musi Mudzimu a tshi amba, ndi nnyi ane a nga si porofite.” O bvumbela ula murafho khaṭhulo, a ri, “Mudzimu onoyo ane na vhila u mu shumela u do ni tshinyadza.”

⁷⁷ Hezwi zwi ñwaleni, zwi kha theiphi, huno ni elelwe. Mudzimu onoyo ane... Avha vhathu zwino vha no khou kuvhanganya khanjo iyi khulu yothe ya—ya Khoro ya Lifhasi ya Dzigereke, huno ni do tea u dzhena khayo. Ni nga si kone u vha nga nn̄da hayo. Ni khou ya u bva khayo nga inwi muñe, kana ni khou dzhena khayo. A hu nga vhi na u sa dzhia vhuimo. I do vha luswayo lwa livhanda. A hu na muthu ane a do renga kana a rengisa, nn̄dani ha uyo a re na luswayo, kana a re na vhuluța. Zwino, ivhani nn̄da hayo! Ivbani khayo! I shavheni! Ivhani kule hayo! Mudzimu ane vha vhila uri vha a mu shumela u do vha tshinyadza. Mudzimu muhulu wa lufuno ane a sa do...

Vha ri, “Ndi zwone, Yesu o rabela uri rothe ri vhe vhathihi.”

⁷⁸ Zwenezwo O dovha a ri, “Ni nga tshimbila hani nothe, vhavhili vha tshimbila vhothe, nn̄dani ha musi vho tendelana?” O ri “muthihi,” vhunga Ene na Khotsi vhe Muthihi. Huno Khotsi o vha e Ipfi, nahone O vha e Ipfi lo vphonadzwaho. O vha e “Muthihi” na Khotsi, ngauri O vha e mbonadzo ya Ipfi la Mudzimu lo fulufhedszwaho. Huno zwo ralo ñamusi, kana liñwe duvha-vho. Ee, muñe wanga. Mudzimu ndi Muthihi. U ḥoda ri tshi vha vhathihi.

⁷⁹ Avha vha nga vha hani vhathihi, uyu a tshi landula mbebo ya musidzana a sa ñivhi munna, huno uyu ha, hani phodzo ya Muya, na uyu, uyo, vhothe vhe kha vilili lo raloho? Vhañwe vhavho a vha vhuyi vha tenda kha Mudzimu, u tenda uri O vha e Murwa wa Mudzimu; u tenda uri O vha e murwa wa Yosefa, o vhidzwaho Murwa wa Mudzimu. A hu na na thimothimo. Murathu wa ñilwelavanda la Vhaluṭere, Vhazwingili, vha tenda

uri, uri vhukumakuma O vha a tshi tou vha munna wavhuđi. Saintsi ya Vhukriste yo ri O vha e muporofita, a tshi tou vha munna zwawe, O vha e si Mukhethwa. Mulandu, arali O vha e si Mukhethwa, U mufhuri muhulwanesa we shango la vhuya la vha nae. O vha e Mudzimu kana O vha e si tshithu. O vha e Mukhethwa! O vha e Mudzimu, Ene muñe, o itwaho nama vhukati ha vhathu, nga muthu wa Murwa wa Mudzimu. A hu na na thimothimo, ndi zwe A vha e zwone.

⁸⁰ Zwino ri vhona vhuluđa ho no dzhena. Ri a divha uri vhu fhano, a hu na ane a nga zwi hana. Yawee, nnenđe! Itonu dzhiela nzhele. U do tshinyadza itscho tshigwada tshi vhilaho uri tshi khou shumela Mudzimu. Ni zwi sedze.

⁸¹ Mudzimu o ḥavha Mbeu Yawe. Ndi khou vala, ngauri ndi tshifhinga tsha u thoma muduba wa thabelo. Mudzimu o ḥavha Mbeu Yawe, huno Mbeu Yawe ndi Kristo. Ndi khou ya u rera ngazwo kha masiku a si gathi, he Mudzimu a dzhia tsheo ya u vhea Dzina Ławe, Murena a tshi funa, khamusi kha vhuñwe ha vhurangane musi ndi na tshifhinga tshinzhinyana. Vhonani, ndi Ene Ndila ya u ponya i yothe. Ndi ene Ramaanda ngangoho e eþhe. Ndi Ene Mudzimu wa ngoho e eþhe, a hu na muñwe nnđani ha Ene. “Ndi nne Mudzimu, nahone Mudzimu e eþhe,” O ralo. Yesu o ri, “Heyi ndi ndaela: Ipfa, Oo Israele, Ndi nne Murena Mudzimu wau, Mudzimu muthihi fhedzi. Ndi Ene. Mulandu u tshi ḥoda muñwe? Muñwe u do da... Ndi da Dzinani la Khotsi Anga, huno a u Ntanganedzi. Fhedzi muñwe u do da nga dzina la ene muñe, huno ene ni do mu ḥanganedza.” Huno vha zwi ita ngei Nicaea.

“Ni Mukriste?”

“Ndi Mubaphuthisi.”

“Ni Mukriste?”

“Ndi Mupentekoste.”

“Ni Mukriste?”

“Ndi Mumethodisi,” liñwe dzina.

⁸² Fhedzi musi zwi tshi da kha ilo Dzina la “Yesu Kristo,” vha tshimbilela kule Hało nga hune vha kona, a vha na mushumo Nalo, ngauri U Ipfi huno Ipfi li a Didivhadza. Dzhielani nzhele, Ndila i yothe ya u ponya! U Dzuvha la Sarona, Bivhili yo ri O ralo. Vhuiamo vhuñwe na vhuñwe (Bivhilini) ha Mudzimu ndi ha Yesu Kristo. O vha e Alfa, Omega, Mathomo na Vhufhelo; Uyo we a Vha e hone, A re hone, nahone A no Do Da; Mudzi na Dadzwane la Dafita, vhuvhili hazwo Mudzi na Dadzwane la Dafita; Naledzi ya Mutsho, Dzuvha la Sarona; Volenga la Govha, Alfa, Omega, Khotsi, Murwa, Muya Mukhethwa, zwoþhe kha Yesu Kristo! O vha e mbonadzo yo fhelelaho ya Yehova Mudzimu yo itwaho nama uri i dzule vhukati hashu. Zwe A vha e zwone kokotolo.

⁸³ O vha e Dzuvha la Sarona. Vho ita mini nga Dzuvha la Sarona? Vho Li pwaṭula, vha Li sinda, u bvisa munukhelelo Khalo. Dzuvha lo nakaho lo tea u pwaṭulwa u wana munukhelelo kha dzuvha. Hovho ho vha vhu Vhutshilo ho nakaho, a hu athu vhuya ha vha na vhutshilo ho tshilwaho vhunga Hone, fhedzi Ho do tea u pwaṭulwa Khalivari.

⁸⁴ Ni a vhona, vho dzhia ndo—ndodzo ya Dzuvha la Sarona huno vha i vhea kha Aroni, o do tea u doliswa ngalo u itela u ya ngomu phanda ha Murena ngomu fhethu hukhethwa, lupilani lukhethwa. O do tea u doliswa nga Dzuvha la Sarona, u ya ngomu u handulula tshidzulo tsha tshilidzi nwaha muñwe na muñwe. Huno iyo ndodzo i tea u vha khae, munukho u nukhelelaho kha Murena, o hwala malofha a ngwana phanda hawe, nga murahu ha musi o no handululwa-who nga ngwana. Dzipomegreneiti na dzidilogo dzo mona na zwiambaro zwawe, o do tea u tshimbila linwe liga, a tshi khou tamba, “o khetheaho, o khetheaho, khetheaho kha Murena.”

⁸⁵ Dzhielani nzhele, Ndi Ene ilo Dzuvha la Sarona, Munukho uyo u nukhelelaho, Ndodzo kha vhathu Vhawe. Ni nga si de phanda Hawe ni na inwe ndaela, tshinwe tshithu-vho, fhedzi no doliswa ilo Dzuvha la Sarona, Ipfi. U dovha a vha Volenga la Govha.

⁸⁶ Zwino, ni wana hani ophiamu? Ni wana ophiamu musi na dzhia volenga na li pwaṭula, ni wana ophiamu. Vho-maine vha i shumisa kha dzilaborathori dzavho. Dzhiani munna a re na mazhuluzhulu nahone o dadaho, kana musadzi, u pfa u nga u khou ya u penga, u tshimbila fuloroni nahone a tshi khou zhamba, e kha havhiya, maine u do tusa zwituku zwa ophiamu yawe ya volenga huno a zwi ḥavhela ngomu ha tshanda tshawe kana tsinga huñwe fhethu, kana yawe, huno vha dzika. Zwo fhela zwe the lwa tshifhinganyana. Fhedzi musi iyo ophiamu i tshi tou fhela, ngezwi zwi a vhuya, zwo kalula u fhira zwe zwa vha zwi zwone.

⁸⁷ Fhedzi ndi do ni vhudza, dzikhonani, heyo i tou vha fhedzi lushaka lwa Ophiamu vhukuma i bvaho kha Volenga la Govha line nda li divha. Ndi Ene Volenga la Govha. O pwaṭulwa Khalivari. O huvhadzelwa phambuwo dzashu, nga ntho Dzawe ro fhodzwa. Kha uho, uho u pwaṭulwa ha maluvha, O vha e Liluvha. O vha e Liluvha lihulwane le la vhuya la aluwa, ho vha hu ili Volenga la Govha, na ili Dzuvha lihulu la Sarona. Zwino U khou nembelela madekwana ano, o nembeledzwa vhukati ha Maṭadulu na lifhasi, ndi a tenda, O vha o ralo itsho tshifhinga, kha ndi ri, u—u tusa tshivhi tsha shango na u disa phodzo murahu kha shango. Huno Bivhili yo amba uri U a sa shanduki mulovha, ñamusi, na lini na lini.

⁸⁸ Khonani, musi Mudzimu o vhudza Mushe, sogani, we a vha e tshi—tshifanyiso Tshawe, uri a imise ñowa ya musinasetha.

Huno musinaseṭha u imela tshivhi tsho haṭulwaho, ḥnowa i imela, *nowa ya musinaseṭha* i imela “tshivhi tsho no haṭulwaho.” Samusi, *musinaseṭha* u “khaṭhulo Khethwa,” vhunga alitari ya musinaseṭha he zwithavhelo zwa vha zwi tshi vhewa. Huno Eliya-vho o sedza n̄tha nahone a ri thombo dzi nga musinaseṭha, khaṭhulo Khethwa kha lushaka lu sa tendi lwo no guneaho kha Mudzimu. Musinaseṭha wo imela khaṭhulo, khaṭhulo Khethwa. Huno ḥnowa yo imela tshivhi tsho no haṭulwaho; huno Yesu o vha e iyo ḥnowa yo itwaho tshivhi u itela riñe, huno a dzhia khaṭhulo dza Mudzimu Khae. O huvhadzelwa phambuwo dzashu, o khudzulelwa vhutshinyi hashu, ḥthamu ya mulalo washu Khae, huno nga ntho Dzawe ro fhola.

⁸⁹ Oo, Mudzimu u na Khabinethe Yawe yo dalaho Ophiamu, madekwana ano, u itela inwi. Khonani ya Mukriste, ni khou lwala na u tambula. Oho, no neta, zwi tou ni kondela nga maanda. A ni tsha kona u zwi kondelela, ni do—ni do penga nało kha ḫuvha ili la musalauno ḥine ra khou tshiła khalo.

⁹⁰ No vhuya na pfa *Life Line* madekwana ano, uri zwe vha amba, uri—uri Russia i ri, nga ‘55, uri “vhukumakuma vha do dzhia ndango yo fhelelaho ya shango lothe”? Phanda ha izwo zwi tshi itea, U Takulelwa Tadulu hu tea u da. Ngauralo hu tsini hani, khonani? Hu henehfa tsini zwino.

⁹¹ Naa a ni nga Mu ḫodi madekwana ano nga mbilu yañu yothe? U Volenga la Govha, nahone U a sa shanduki mulovha, ḥnamusi, na lini na lini. U fhano madekwana ano u Ditakulela n̄tha vhukati ha vhatu Vhawe, u tou fana na Mushe o takulela n̄tha tshi—tshiga tsha tshivhi, tsho haṭulwa. Huno hu si tshivhi fhedzi, na vhulwadze-vho. Elelwani, Yesu o ri, “Vhunga Mushe o takulela n̄tha ḥnowa ya musinaseṭha, ngauralo na Murwa-muthu u fanela u takulelwa n̄tha.” Mushe o i takulelani n̄tha? U itela tshivhi, u sa tenda, na vhulwadze. Yesu o fhahewa, na ene, u itela tshivhi, vhulwadze, na u sa tenda. O vha e zwenezwo zwithihi.

⁹² Zwino, madekwana ano, kha maduvha a musi ri na uvhu vhuluṭa vhuhulu, Yesu Kristo o fulufhedzisa kha Luka, uri kha maduvha a... phanqa ha U Da ha Murena, hu do nga zwe ha vha hu zwone maduvhani a Sodoma, na musi Murwa-muthu a tshi do Didzumbulula, vhunga Murwa-muthu o Didzumbulula kha Abrahamu fhasi hangei; Elohim, Mudzimu, o itwa nama vhukati ha vhatu, huno a dzula henehfo na Abrahamu nahone a mu sumbedza, a mu vhudza zwe Sarah a vha a tshi khou humbula (o dzula murahu Hawe) denndeni, ye A sa athu vhuya a i vhona. O mu vhudza zwe a... Huno a bula dzina ḥlawe, “Sarah.” “Abrahamu,” hu si ḥlawe—hu si ḥlawe dzina Abramu, le a thoma ngalo, fhedzi Abrahamu. Hu si Sarai, S-a-r-a-i; fhedzi S-a-r-a-h, “Mufumakadzi wau u ngafhi, Sarah?”

A ri, “U ngomu denndeni murahu Hau.”

⁹³ A ri, “Ndi do u dalela u ya nga tshifhinga tsha vhutshilo.” Huno a sea. A ri, “Mulandu o sea?”

⁹⁴ Zwino, Yesu o ri, “Phanda ha musi uvhu vhuluța vhuhulu vhu tshi kuvhanganywa nahone ha fhiswa, uri Murwa-muthu u do Didzumbulula nga ndila yeneila ye A zwi ita tshifhingani itsho.” Huno izwo ndi... Ndi mini? Ndi u takulelwa n̄tha, nga huswa, phanda hanu, uri Yesu Kristo ndi a sa shanduki mulovha, Ȣamusi, na lini na lini. Ni a zwi tenda? Kha ri kotamise zwifhațuwo zwashu-ha u itela thabelo.

⁹⁵ Mudzimu a funwaho, ri a U funa. Ipfi Lau lo dala—dala tshothe Zwiliwa kha riñe, Murena. Ri tou Li funa! Ri tshila Ngalo, Murena. Zwi tou nga ndadzo yashu a i vhuyi ya fushea. Ri tou funa u dzula Ȣafulanı Yau, u mona na Ipfi Lau, huno ra diphina nga phathutshedzo, Murena, musi ri tshi kuvhangana nga u rali, vharathu na dzikhaldzi vho rengwaho nga Malofha nga Murwa wa Mudzimu, a re thengo ya Malofha Au. Huno ri da fhano madekwana ano, Murena, ro kumedzela masiku ano u rabelela vhalwadze. Huno u ya nga Mañwalo, Wo amba uri “nga dzintho ro fhodzwa.” A hu na Ȣhodea ya u rabela lini (u tou bula zwivhi zwashu fhedzi), ngauri nga ntho Dzau ro (tshifhinga tsho fhelaho) fhodzwa. Oo, ndi Ȣuvha-de la tshidzo! Ndi pfu—ndi pfulufhedziso—de nga Emanuele! Hezwo Ndi Ngoho i sa vhuyi ya timatimisa.

⁹⁶ Wo ri, “Tshifhinganyana, huno shango a li tsha do Mmbona, naho zwo ralo ni do Mmbona, ngauri Nne” (lisala vhukuma “Nne”) “Nne ndi do vha na inwi, na ngomu hanu, u swika vhufheloni ha shango.” Huno vhufheloni ha tshifhinga, magumoni mahulu, Wo ri, phanda ha musi zwi tshi bvelela, zwi do tou nga phanda ha musi mulilo u tshi wa Sodoma nahone wa fhisekanya shango la Vhannda, zwauri hu do da nzumbululo hafhu ya Murwa-muthu u tou fana na zwe zwa vha zwi zwone Sodoma. Khotsi, ngavhe vhathu zwi sa vha pfuki.

⁹⁷ Huno ndi a rabela, Mudzimu, sa tshithu tshitu tshi re tshivhisi, (arali ndo amba zwo khakheaho, mpfarele), ndi tshi khou dzhenisa gereni. Ndi a vha funa, Murena. Ndi—ndi rabela uri zwi si vha pfuke. Ita uri uvhu vhu vhe vhunwe ha masiku mahulu, Murena. Ngavhe mulwadze muňwe na muňwe, a thupheaho, a re bof, na tshini tshi re ngomu hafha, Murena, tshi tshi fhodzwa madekwana ano. Ngavhe muitazwivhi muňwe na muňwe a tshi tshidzwa. Ngomu mbiluni dzavho zwino, arali vhe si vhatendi, huno ngavhe vha tshi Ȣanganedza Kristo nga tshino tshikhathi. Zwi tendele, Khotsi. Zwothe zwi zwandani Zwau. Ri dinekedza kha Iwe, u vhona Iwe u tshi da vhukati hashu.

⁹⁸ Huno Wo ri, kha Yohane Mukhethwa 14:12, “A tendaho kha Nne, mishumo ine Nda ita u do ita-vho.” Nga ndila ine ra Ȣivha urı Wo Diđivhadza kha vhathu, ngauri Wo vha u uyo Muporofita we Mushe a ri u do vuswa. A vho ngo vha na vhaporofita lwa

miñwaha ya mađana, vhuluña ho vha vhu thungo iñwe na iñwe, fhedzi naho zwo ralo Ipfi la Mudzimu lo do tea u khunyeledzwa; ngauralo Ipfi lo vha ñama, na vhuluña ho di vha nga u ralo. Huno, Khotsi, ri a zwi vhona hafhu ñamusi, vhuluña vhu tshi khou vha khulana nthihi khulwane; huno ri vhona Ipfi li tshi khou da nga ndila yeneyo. Ri fhañutshedze madekwana ano, Khotsi. Ri dinekedza kha Iwe, nga Ipfi Lau. Tshiñwe na tshiñwe tshine Wa ḥoda ri tshi ita, ita na riñe, Murena. Dzinani la Yesu. Amene.

⁹⁹ [Khaladzi u amba nga luñwe luambo. Tshikhala kha theiphi—Mudz.] A ri ñivhi zwe A amba. A nga vha a tshi ḥodou ri vhudza tshiñwe tshithu, ngauralo ivhani vha ñhonifhaho vhukuma lwa tshikhathinyana. [Tshikhala kha theiphi. Murathu u ñea ḥalutshedzo—Mudz.]

¹⁰⁰ Amene. No vhuya na vhala [Tshikhala kha theiphi—Mudz.] Luñwalo he swina la vha li tshi khou da, huno vhothe vho vha vho kuvhangana, huno vha... swina lo vha li tshi tou vha maanda mahulu. Huno Muya wa Mudzimu wa wela kha munna, nahone wa mu vhudza, huno a porofita, a amba uri hu iwe ngafhi nahone hu lalelwe, huno vha kunda swina lavho. Khezwo zwi a da hafhu. Ngefhø fhethu ha u tshinyadza swina lanu, ni a vhona, dzhiani tshanda tsha Mudzimu. Tshanda tsha Mudzimu ndi Kristo, zwo tou ralo, Ipfi, ngauralo dzhiani ḥlo mbiluni dzanu madekwana ano musi ri tshi vhidza muduba wa thabelo.

¹⁰¹ Ndi tenda Billy o ḥekedza garaña dza thabelo hafhu ñamusi. B, dziB, kha ri dzhie B, fumaloñhanu. Vhusiku ho fhiraho, ro vha na dza fumiñhanu vhusiku ho fhiraho. Ri anzela u lingedza u wana dzi no ḥodou lingana fumiñhanu vhusiku vhuthihi. Huno zwenezwo farani garaña dzanu, ri do dzi wana, zwino. Kha ri lingedze dzi no ḥodou lingana fumiñhanu. Fumaloñhanu. B, vhunga Branham, ni a ñivha. B, fumaloñhanu u swika dana. Huno ri... Kha ri vhone, ndi nnyi a re na B, fumaloñhanu, imisani tshanda tshanu. Ni na vhutanzi... Ohoo, murahu, zwo lugua, fumaloñhanu idani.

¹⁰² Zwino, murwa wanga... Ngauri hu nga vha na vhatinda fhano, vha sa do ñivha uri izwi zwo itwa hani. Murwa wanga u a da ngeno, kana muñwe; arali a sa koni u da, Murathu Borders, muñwe-vho. Muñwe munna u do da ngeno fhasi, huno a dzhia garaña idzi, dana ladzo, huno o ima phanda ha vhatu a vhuya a dzi vilinganya. Ngauralo u ni ñea garaña, a nga si ni vhudze uri ni khou do vha hafha ñtha kha pulatifomo, ha zwi ñivhi hezwo. Huno na nne a thi ñivhi. Ndi da vhusiku, nda sokou kokodza dzi no ḥodou lingana fumi kana fumiñhanu, huñwe henefho, kha dzigaraña. Hezwo a zwi na mushumo na muthihi kha phodzo yanu. Ni nga di dzula henefho. Vhonani, vhusiku ho fhiraho. Ndi vhanga vhe vha vha vhe fhano vhusiku ho fhiraho, ri nga vhona tshanda tshanu? Nga ndila ye vhatu vha fhodzwa muñanganoni wothe!

¹⁰³ Zwino, ho vha hu fumalothanu, fumalorathi, fumalosumbe, fumalomalo, fumaloṭahe, fuṭahe. Kha ri ite uri vha de zwino. B, fumalothanu, fumalorathi, fumalosumbe, fumalomalo, fumaloṭahe, fuṭahe. Heyo yo vha i tshi do vha yo vha nthihi... Ngangoho, ri ṭoda... Huno arali muñwe muthu a... Inwe kheyi, ee, zwi do vha zwo luga. Fuṭahe, fuṭahe u swika dana zwino. Fuṭahe, fuṭahethihi, fuṭahembili, fuṭaheraru, fuṭaheinā, fuṭahethanu, fuṭaherathi, fuṭahesumbe, fuṭahemalo, -tahe.

¹⁰⁴ Arali ni sa koni u tshimbila, arali ni... Ndi vhona ri na vha si gathi, zwidulo zwa malinga zwiraru hafha zwino, vhuna hazwo, ndi a tenda, ndi a vhona. Arali ni na garaṭa ya thabelo, iyo i—iyo i nomboro yanu yo vhidzwaho, huno ni sa koni u tshimbila, itonu imisa tshanda tshanu, ri do tshi tshovela geno n̄tha.

¹⁰⁵ Huno arali ni si na garaṭa ya thabelo, itonu dzula heneffho nahone ni rabele, huno ni ri, "Murena Yesu, kha—kha—kha hu vhe n̄ne madekwana ano." Ndi vhangana ngomu hafha vha si na garaṭa ya thabelo, imisani tshanda tshanu. Yawee, n̄nenne! Zwo luga, zwino kha ri tou amba hezwi, ndi a fulufhela a zwi pfali zwo bva. Fhedzi ho vha hu na musadzi muṭuku tshiñwe tshifhinga we a vha a si na garaṭa ya thabelo, kha ri do ralo. O tshimbila a tshi vhanyuludza vhukati ha gogo, a ri (zwino thetshellesani zwavhudji), "Arali nda kona u kwama zwiambaro zwa uyo Munna, ndi do fhola." Ndi vhangana vha no ɖivha itsho tshiṭori? Zwo luga. Huno o ita mini? O Mu kwama, huno a ʈuwa nahone a dzula phasi. Huno Yesu a rembuluwa, O ɖivha he a vha e hone. Ndi zwone izwo? O ɖivha vhuleme hawe. Ndi zwone izwo? O ɖivha vhuleme hawe, ngauralo A mu vhudza uri vhuleme hawe ho vha vhu mini. Huno a zwi pfa muvhilini wawe uri n̄ombe yo ima. Ndi zwone izwo? Ngauri mulandu? O Mu kwama.

¹⁰⁶ Zwino, ndi vhangana Vhakriste afha madekwana ano vha no ɖivha, u ya nga Vhaheberu, Bugu ya Vhaheberu, uri zwa zwino Yesu ndi Tshifhe Muhulu, Tshifhe Muhulu ane a kona u ri pfela vhutungu ri tshi shaya nungo? Ndi Ene? Zwo luga, arali E onoula Tshifhe Muhulu, ofisi yeneila, Tshifhe Muhulu, O vha a tshi do difara hani-ha? O vha a tshi do difara nga ndila ye A difara ngayo tshifhingani itsho. Ni a zwi tenda? O vha a tshi do difara nga ndila ye A difara ngayo tshifhingani itsho, arali ni tshi nga zwi tenda. Zwo luga. Ndi vhangana vha no zwi tenda, imisani tshanda tshanu, ni ri, "Zwa vhukuma ndi a zwi tenda"?

¹⁰⁷ Zwo luga, phanda ha musi vha tshi ita muduba wa thabelo, kha ri vhe na muduba wa thabelo nn̄da hangei. Ndi a ɖivha uri U fhano. Ndi—ndi—ndi pfa Vhuhone Hawe, huno ndi—ndi a ɖivha uri U fhano. Idani. Muduba wa thabelo wo luga? Ndo vha ndi tshi khou ya u vhidzelela nn̄da hangei. Inwi itonu—itonu rabela, itonu sedza thungo heyi huno ni rabele, itonu tenda.

¹⁰⁸ Mme muṭuku o dzulaho hafha o ntſedza, o dzulaho tsini na mme o ambaraho ngilasi. Naa a ni vhonu Itsho tsho angalalaho

nga n̄ha ha uyo musadzi? Vhonani hafha. Ni a vhona? U khou tambula nga vhulwadze ha mbilu. Ni a tenda uri Mudzimu u do ni fhodza? Arali ni tshi tenda, imisani tshanda tshanu. Ndi zwe vhuleme hanu ha vha hu zwone. Ndi zwone. Zwino arali uvho ho vha vhu vhuleme hanu, imisani tshanda tshanu uri vhathu vha kone u vhona, imisani tshanda tshanu nga u ralo. Zwino, a ni tsha vha naho zwino. Lutendo lwanu lwo ni fhodza.

¹⁰⁹ Ndi a sa shanduki mulovha, namusi, lini na lini. Oho, hu na vhuluṭa; fhedzi Yesu Kristo ndi a sa shanduki mulovha, namusi, na lini na lini. Naa itshi... Zwino bvelani phanda na u rabela, ni a vhona, a ni tou tea u vha fhano n̄ha, uri ni kone u divha.

¹¹⁰ Zwino, hoyu ndi mme. U ya nga hune nda divha, a thi athu mu vhona vhutshiloni hanga, u sokou vha musadzi o imaho hafha, huno u na garaṭa ya thabelo, huno ho ngo divha uri u yo vhidzwa kana hai. Muñwe o tou ni ḡea garaṭa ya thabelo, huno inwi—nomboro yanu yo vhidzwa, ngauralo no tou da ngeno n̄ha. Ndi zwone izwo? Huno a thi na ndila ya u divha zwine na vha zwone, ane na vha ene, hume na bva hone, zwine na ḡoda, a hu na na tshithihi nga hazwo. Ndi tou vha munna, inwi ni musadzi. Ndi zwone. Tshifanyiso tshi ngaho itshi tsho da tshiñwe tshifhinga Bivhilini, Yohane Mukhethwa, ndima ya 4.

¹¹¹ Zwino ni ri, “Vho ita mini, Mukomana Branham, zwenezwila, tshifhinganyana tsho fhiraho?” Ndo tou kokodzela kha iyo gere ḡukhu, ni a vhona. A thi divhi, ni a vhona. O tea u zwi ita. A thi divhi. Ula musadzi nn̄da hangei o zwi ita hani? A thi athu vhuya nda vhona uyo musadzi vhutshiloni hanga. U tou vha mutsinda tshothe kha nñe. Ndi a tenda ho vha hu musadzi. Ndi nnyi muthu a kha di bvaho u fhodzwa nn̄da hangei kha vhathetshelesi? Ni do... Ee. Ri vhatshinda rothe. Arali zwi zwone, dzungudzani tshanda tshanu nga ndila *heyi*. Ni a vhona? A thi athu vhona uyu musadzi. Fhedzi o vha o dzula heneffo, a tshi tenda. Zwino, o kwama Tshiñwe tshithu, ho ngo ralo? Zwo vha zwi si nga farisi tshithu u kwama nñe.

¹¹² Fhedzi zwino a ni koni u vhona uri Bivhili ndi Ipfi la Mudzimu kokotolo? U a sa shanduki mulovha, namusi, na lini na lini. Ri vha thaberanakele dza uyo Muya Mukhethwa u re Kristo. Ni a vhona? Ndi Mbeu ya vhukuma. Zwenezwo arali uyo Muya Mukhethwa wa vhukuma wa dzhena kha Mbeu ya vhukuma ya Ipfi, hu si... A u nga dzhii tshipida Tshalo (ngauri, Diabolo u a Li shumisa), ni tea u Li dzhia ḡothe, ni a vhona, Ipfi linwe na linwe Lało; ngauri, Ha Mudzimu a re hafu, U Mudzimu wothe. Ni a vhona? Huno izwo ndi zwine zwa bvelela.

¹¹³ Zwino, musadzi ngoyu, a thi athu vhuya nda mu vhona. Yesu o wana musadzi a no nga uyu tshiñwe tshifhinga, khamusi vhe si kha nyimele i no fana, a thi divhi. Huno O vha o dzula tshisimani. O—O vha a tshi ḡoda u tsela Samaria. Huno ri wana uri, Samaria ho vha hu fhasi ha muvhundu. Huno—huno O vha a tshi khou

ya Jeriko, kha ndi ralo, huno A mona nga Samaria, huno a swika mudini wa Sikara. Huno A dzula fhasi tshisimani, huno a rumela vhafunziwa Vhawe u ḥoda zwiliwa.

¹¹⁴ Hu na tshaka nngana dza vhathu shangoni? Tharu. Vhathu vha Hamu, Semu, na Yafete. Roṭhe ri bva kha Noaxe. Huno shango loṭhe ḥo do tshinyadzwa tshifhingani itsho. Tshaka tharu fhedzi dža vhathu, uyo Muyuda, Wannda, na Musamaria (we a vha e hafu Muyuda na hafu Wannda). Huno ndi dzone tshaka dzoṭhe dici re shangoni, ni a vhona, tharu fhedzi.

¹¹⁵ Tshiñwe na tshiñwe kha Mudzimu tshi vha tsho fhelelaho nga raru. U tou fana na avha vhararu vhe nda vha ndi tshi khou amba ngavho madekwana ano: zwiteidzhi zwiraru zwa vhuluța, zwiteidzhi zwiraru Ipfi ḥo itwa ḥama, na zwiñwe-who. Ni a vhona?

¹¹⁶ Zwino, na Uyo—Uyo we a amba na Vhayuda, o vhudza Filipo, musi o disa Nathaniele, nga ha he a vha e hone, nahone o ri, “Ndo mu vhona musi e fhasi ha muri.” O vhudza . . . Andrea o no disa Petro, O ri, “Dzina lau ndi Simoni, huno u do vhidzwa ‘Petro’ u bva zwino.” A ri, “U murwa wa Yona.” Ni a vhona? Zwino, vhoṭhe avho vho vha vhe Vhayuda.

¹¹⁷ Fhedzi afha U ya kha Wannda . . . hu si Wannda, fhedzi Musamaria.

¹¹⁸ Zwino ndi tshifhinga tsha Vhannda. Izwo ho ngo vhuya a zwi ita tshifhingani tshiñwe kha Vhannda. Tolani Mañwalo. Na kathihi. Fhedzi O fulufhedzisa, kha Luka 22, uri U ḥo zwi ita phandanyana ha U Da.

¹¹⁹ Fhedzi O dzula fhasi heneffo, huno hafha hu bvelela hafu ya Muyuda na hafu ya Wannda, musadzi. Huno A ri khae, “Musadzi, Mphe tshinwiwa.”

¹²⁰ A ri, “Mulandu, u songo humbela hezwo, nga maanda. Ri . . . Hu na khethululo hafha. U Muyuda, huno—huno nne ndi Musamaria.”

¹²¹ A ri, “Fhedzi arali wo vha u tshi ḥivha We wa vha u tshi khou amba nae, wo vha u tshi ḥo Nkhumbela tshinwiwa.” O vha a tshi khou ita mini? U kwamana na mya wawe. Huno O no wana uri vhuleme hawenди mini, ndi zwone, O mu vhudza uri a ye u dzhia munna wawe. A ri ha na. A ri, “Hezwo ndi zwone, wo no vha na vhaṭanu.”

¹²² Zwino, vhonani, musi Vhafarisei vho Mu vhona a tshi ita izwo. Ndi zwone, uvho vhuluța vhu vhukati ha Ipfi, vho ri mini? Vho ri, “Uyu Munna ndi Beelsebulu, mudzia-u-bvumba.” Ni a vhona?

¹²³ Huno Yesu a ri, “We a amba izwo nga ha Muya Mukhethwa musi U tshi ḥa u ita zwo raliho, ha nga ḥo vhuya a hangwelwa.” Khoho vhuluța hanu. Ni a vhona? Fhedzi O ri U ḥo vha hangwela

tshifhingani itsho, ngauri Muya Mukhethwa wo vha u sa athu ḏa; Tshiṭhavhelo, Ngwana yo vha i sa athu fa.

¹²⁴ Fhedzi-ha hezwo musadzi ho ngo zwi humbula. Musadzi o ri, “Muṇe wanga, ndi a pfecta uri U muporofita.” A vho ngo vha na muporofita lwa miñwaha ya mađana. O ri, “Ndi a pfecta uri U muporofita. Zwino, ri ḏivha uri Mesia, ane a pfi Kristo, musi A tshi ḏa, hezwo ndi zwine A khou yo ita.”

¹²⁵ Ndi zwone, arali izwo zwi zwe A ita, zwenezwo U tshee a sa shanduki mulovha, ḥamusi. Ndi nga ndila ye A Diđivhadza tshifhingani itsho, naa a zwi fani na zwa ḥamusi? Zwi tea u ralo! Zwino, musadzi ngoyu na munna vha ṭangana hafhu. A si uļa musadzi, a thi uļa Munna. Fhedzi wonoyo Muya Mukhethwa u fhano, nahone wo ita pfulufhedziso ya uri mishumo ye A ita, ri do ita yo raloho mađuvha ane Murwa-muthu a do dzumbululwa.

¹²⁶ Zwino, ndi sa ni ḏivhi (huno ni a ḏivha uri ndi ngoho), ri vhatsinda vho fhelelaho, huno no ima hafha. Hu na tshiñwe... Khamusi tshiñwe tshithu tsho khakheaho kha inwi, khamusi a hu na, a thi ḏivhi. Fhedzi arali Murena Yesu a tshi do nzumbululela, nga Muya Mukhethwa Wawe, uri vhuleme hanu ndi mini, zwenezwo ni do tenda uri Ndi Murwa wa Mudzimu, nahone hu si muthu? Heli li tou vha gwati, *heyi* thaberenakele ine—ine Mudzimu a i shumisa, muñwe na muñwe we A mu nanga. U—U ita izwo nga khathutshelo khulu na khetho. Ngauralo, fhedzi ni a tenda. Ni do ralo? [Musadzi u ri, “Amene.”—Mudz.]

¹²⁷ Ndi vhangana kha vhathetshelesi vhane vha do zwi tenda? Ro ima hafha vhuvhili hashu henefzano phanda ha Tshedza, uri a ri athu vhuya ra ṭangana vhutshiloni vhuno, a thi na na nđivho yo engedzeaho ya uri uyo musadzi ndi ufhio, zwine a vha zwone, hune a bva hone, zwine a zwi ṭoda. A thi athu vhuya nda mu vhona vhutshiloni hanga, na kathihi a thi athu vhuya nda vhona uyo musadzi *afho* phasi vhutshiloni hanga. Fhedzi, ni a vhona, khezwi zwine nda khou lingeda uri ni zwi ite: bviselani uvho vhuluṭa kule hanu zwino, huno ni tende Ipfi musi Ipfi li tshi itwa ḥama henefzano vhukati hashu. Ipfi li thoma u tshila ḥamani yashu, izwo zwi sumbedza Vhuhone ha Mudzimu.

¹²⁸ Zwino ngavhe A tshi tshi nekedza khae. U khou ṭoda tshithu tsha ndeme. Ha na ḥwana, u ṭoda lushie. U na miñwaha i no ṭodou swika fuiña. Hu si na na u timatima hezwo a si zwine zwa si konadzee.

¹²⁹ Vho dzula henengeyo nnđa zwino, vhasadzi vhe vha vha sa bebi vhutshiloni havho hoṭhe, huno vha ḏa kha pulatifomo yo raliho, huno Murena u vha nea vhana. Vhañwe vha vho inwi vhane na zwi ḏivha afho nnđa imisani tshanda tshañu. Ni a vhona? Ni a vhona? Ndo takula musidzanyana a funwaho liñwe duvha, nga Swondaha, nga murahu ha musi ndo no ḥuwa afha, nga Swondaha masiari; zwauri mme awe vho vha sa bebi, Murena o amba. Huno musidzanyana, tshithu

tshițku tshavhudzi, u hone fhano? U ngafhi? Ee. Ngoyu hafha, hafhano, o dzula henefha fhasi. Mma vho dzula hangei. Ngoyu musidzanyana, ene muñe. Ni a mu vhona? O vha Ipfi lo ambiwaho li bvaho Mudzimuni.

¹³⁰ Zwino, ni do Mu tenda nga mbilu yanu yothe? Ni a tenda uri iyo phathutshedzo ni re nayo, ine na i pfa ngomu hanu zwino, Mudzimu o vha a tshi khou fhindula? Arali Mudzimu a mmbudza dzina lanu, uri ni kone u rina lushie, ni do tenda? Zwenezwo, Vho-Mmē Thompson, vha nga ya hayani nahone vha vha na lushie lwavho, arali vha tshi nga zwi tenda nga mbilu yavho yothe.

¹³¹ Vha a tenda nga mbilu yavho yothe? Kha vha tou vha na lutendo, vha songo timatima, kha vha tou tenda Mudzimu. Mudzimu ndi Mudzimu.

¹³² Vho vuwa hani, muñe wanga? Ndi a humbulela ri vhatsinda, na riñe-vho. Tshifhinga tshi tshołhe tshe nda vhuya nda vha vhona vhutshiloni hanga, u ya nga hune nda divha, ndi musi vho vha tshi da hangei. Huno ndo elekanya uri vha malume wa Murathu Shakarian, kana ane zwa... Mashagian, Murathu Mashagian, muimbi, musi vha tshi bvelela. Huno zwenezwo ndo vhona vha tshi khou ya mudubani wa thabelo. Zwino, ndi mutsinda kha vhone, nahone, kana khavho, huno ndi mutsinda, nga ndila iñwe na iñwe. Zwino, arali Murena Yesu a tshi do mmbudza tshiñwe tshine vha—tshine vha, khamusi tshine vha khou tshi ḥoda, kha ri tou zwi amba; ndi vha vhudze tshine, vha mmbudze tshine vha khou tshi ḥoda. Zwino, O no di vha nea tshone. Tshi re hone hu ḥodea fhedzi lutendo lwo eðanaho u zwi tenda.

¹³³ Zwino, ndi vhangana vha no zwi pfesesa? Lutendo fhedzi lwo eðanaho u tenda zwauri vha wana zwine vha humbel! Vha a vhona?

¹³⁴ Zwino, zwino, arali vhe hafha n̄ha vha tshi khou ḥoda tshiñwe, huno A nga mmbudza lutamo lwavho, zwenezwo vha a divha uri a thi divhi lutamo lwavho, zwenezwo hu tea u vha Tshiñwe fhano tshine tsha khou zwi ita. Zwino, u ya nga ha Ipfi, O fulufhedzisa u zwi ita. O divha ngelekanyo mbiluni dzavho. Naa ndi zwone izwo? Zwo lugā.

¹³⁵ Vha na lutamo luhulu lwa u fhodzwa. Tshi re hone, vha khou ḥuphea nga nyimele ya vhułaledzi, u tshenuwa vhukuma. Ndi zwone. Tshiñwe tshithu, vha na vhuleme ha mułodo, nahone uyo mułodo wa dzindela nga maanda lwa tshifhinga tshilapfu, vho vhuya vha itwa muaro khawo. Izwo ndi MURENA U RALO. Ndi ngoho. Vha a vhona. Ndi zwone. Huno tshiñwe tshithu ngetshi, lutamo lwavho luhulwanesa, ndi, vha ḥoda u ḥanganedza ndovhedzo ya Muya. Ndi zwone kokotolo. Kha vha de ngeno.

¹³⁶ Mudzimu a funwaho, Dzinani ḥa Yesu Kristo, hoyu munna kha ḫadzwe Muya Mukhethwa, phanda ha musi a tshi ṭutshela haya mavu, Dzinani ḥa Yesu. Amene.

Zwino kha vha U ḫanganedze, mukomana wanga. Kha vha tou vha na lutendo, vha songo timatima.

¹³⁷ No vuwa hani? Ndi dzhia uri, u ya nga hune nda divha, ri vhatsinda rothe. Arali izwo zwi zwone, mulandu, uri vhathu vha divhe, itonu imisa tshanda tshanu uri vha vhone uri ri vhatsinda. A thi athu vhuya nda mu vhona vhutshiloni hanga, ndi tshi mu divha. Huno ndi a humbulela ha athu vhuya a mmbona, nndani ha musi ho vha hu mn̄da kha vhathelesi. Ngauri Khotsi wa Tađulu u a divha, huno Ipfi Lawe ngeli hafha, uri a thi athu vhuya nda vhona uyu musadzi, ndi tshi mu divha, vhutshiloni hanga. Ngauralo, ndo vha ndi si nga divhi uri no dela mini fhano, a thi na na muhumbulo wa uri ndi inwi nnyi, mini, kana tshiñwe nga ha inwi. Ndo vha ndi si nga koni u ni vhudza na tshithihi.

¹³⁸ Tshi re hone, i tou vha tshifhiwa. Arali nda kona . . . Samusi no mpfa ndi tshi zwi ḫalutshedza tshifhingani tsho fhiraho. Itonu da ngeno, ni pfe zwine A amba; zwine nda zwi vhona, ndi nga zwi amba. Zwine A sa zwi ambe, a thi koni u zwi amba. Ndi do zwi amba nga nne mune, huno zwi do vha two khakhea. Ni a vhona? Zwi do vha two khakhea. Fhedzi arali A tshi zwi amba, ndi zwone tshothe. A zwi nga vhui, a zwi athu vhuya zwa khakhea. A zwi nga do vhuya zwa khakhea tenda ha dzula hu Mudzimu. Ni a vhona? Ni a vhona, ngauri Mudzimu ha khakhi.

¹³⁹ Fhedzi arali Mudzimu a tshi nga mmbudza zwine na ḫoda, zwine lutamo lwanu lwa vha zwone, kana—kana zwe na ḫela zwone fhano, tshiñwe tshe na ita, kana tshiñwe, tshiñwe tshi ngaho itsho, kana ane na vha ene, hune na bva hone, kana tshini tshine A ḫoda u mmbudza, ni do tenda? Ndi a ni livhuwa.

¹⁴⁰ Tshi re hone, ni na vhuleme kha milenzhe yanu. Milenzhe yanu i a ni dina. [Musadzi u ri, “Ee.”—Mudz.] Ndi zwone. Imisani tshanu . . . Ni na vhuleme ha vha ha mmeni, vhulwadze ha tshisadzini. [“Ee.”] Huno ni na lutamo luhulu mbiluni yanu, ngauri ni kha di bva u xelewya nga muñwe kana tshiñwe. Ndi mutukana, huno mutukana wanu o ṭutshela haya, o shavha, huno ni ḫoda ndi tshi rabela uri a vhuye. [“Ee.”]

¹⁴¹ Mudzimu Tađulu, rumela ḫwana wawe khae, na phodzo. Tendela Muya Mukhethwa u imisa uyo muñhannga ndilani madekwana ano, mu rumele murahu kha mme awe. Dzinani ḥa Yesu. Amene.

¹⁴² Uyo Ane a divha u do mu rumela murahu kha inwi. Ni songo vhilaela. Tendani zwino, ni songo timatima. Ivhani na lutendo fhedzi, nga mbilu yanu yothe. Tendani, huno Mudzimu u do nekedza two salaho.

¹⁴³ Zwino, uho u ḫalukanya mihumbulo huraru kana huña, he ha vha hu zwone, ni a vhona, ndo—ndo tou bvela phanda u swika

ndi si tsha zwi ṭalukanya. A thi koni u zwi ṭalutshedza, a hu na ndila ya u zwi ṭalutshedza. Inwi ni ri, “Vha amba uri, izwo zwe vha two tou kalula u fhira zwe vha rera ngei lwa miniti dza fuiṇaṭhanu kana u fhira, vha a elekanya?” Ee, mune wanga. Arali ho vha hu awara tharu, zwe vha zwi sa ḍo vha zwingafho.

¹⁴⁴ Musadzi o kwama tshiambaro tsha Murena Yesu. Huno avha vhathu a vha khou nkwama. Mulandu, uyu musadzi afha, edzonu vhona hafha, o kona u . . . [Mukomana Branham u vhudza musadzi, “Vhea zwanda zrawa kha nne, u a vhona.”—Mudz.] O sokou nkama hoṭhe—hoṭhe, a zwe ngo ita tshithu, ndi tou vha muthu. Fhedzi u tea u kwama Ene. Huno nne, nga tshifhiwa, tshi tou—tshi tou . . . tshi tou ṭuwa, vhunne hanga hoṭhe vhu ṭutshela kule, huno ndi tou amba zwine nda zwi vhona. Ni a vhona? Huno ndi zwenezwo fhedzi. Ni a vhona, u nkama a zwi ambi tshithu, fhedzi u kwama Yesu nga nne. Ndi nga ndila ye uļa musadzi a kwama Mudzimu nga Yesu, musi O vha a sa ḫivhi uri mulandu ndi mini ngae. O tou kwama tshiambaro Tshawe, a ṭuwa nahone a dzula phasi. Huno A ri—huno A ri, “Ndi nnyi o Nkwamaho?”

¹⁴⁵ Huno vhaapostola vho ri, “Mulandu, muñwe na muñwe u khou U kwama. Mulandu U tshi amba izwo?”

A ri, “Fhedzi ndi a pfa uri maanđa o bva kha Nne.”

¹⁴⁶ Zwino, ni a ḫivha uri maanđa ndi mini? Nungo. O fhelelwa nga nungo musi musadzi muthihi a tshi Mu kwama, huno O vha e Murwa wa Mudzimu. Zwi hani kha nne, muitazwivhi o tshidzwaho nga khathutshelo Yawe. Ni a ḫivha uri ndi ngani zwe anda? Ngauri O ri, “Izwi zwithu zwine Nda ita, ni ḍo zwe ita-vho. Na zwe engedzeaho u fhira izwi ni ḍo ita, ngauri Ndi ya ha Khotsi Anga.” “Zwihulwane,” Yo amba afho, fhedzi ṭhalutshedzo yone ya Tshigerika ndi, “Zwo engedzeaho u fhira izwi ni ḍo ita.”

¹⁴⁷ Zwino, mme a thi mu ḫivhi. A tho ngo ḫivha tshithu nga hae. U tou vha mutsinda o fhelelaho kha nne sa zwe vhañwe vhathu vha vha vhe zwone. Ri vhatsinda. U tou itela uri vhathu vha zwe ḫivhe, ni nga imisa tshanda tshanu, ni ri “ri vhatsinda.” Zwino, Murwa wa Mudzimu, arali Ene tshiñwe tshifhinga o ṭangana na musadzi kha vhuponyana vhu no nga uvhu, tsini na tshisima, huno A amba nae lwa tshikhathinyana, huno A ḫivha he vhuleme hawe ha vha vhu hone, huno A mu vhudza uri vhuleme hawe ndi mini. Huno ngauralo o ḫivha nga izwo, uri uyo o vha e Mesia. Zwino ngauri—ngauri ndo . . . No nkama, ndo ni kwama, huno a ho ngo bvelela tshithu. Fhedzi arali lutendo lwanga (nga tshifhiwa) na lutendo lwanu (nga u tenda khatsho) lu nga kona u Mu kwama, huno A nga kona u amba nga kha riñe u . . . nga kha nne kha inwi, zwenezwo ni a ḫivha uri U fhano vhunga O vha e kha itsho—itsho tshisima ngei Sikara. Ni a vhona? Ndi a sa shanduki mulovha, ḫamusi, na lini na lini. Izwo ni a zwi tenda?

¹⁴⁸ Ni na vhuleme vhunzhi—vhunzhi, maṭungu manzhi—manzhi, vhukondji! Tshithihi tsha zwithu zwiḥulu zwine na ṭoda u rabelelwa khazwo ndi aṭhiraithisi. Hezwo ndi zwone. Ndi zwone? Ni khou omelela nga aṭhiraithisi. Musi ni tshi vhona ni imisa tshanda tshaṇu . . .

¹⁴⁹ Huno no bvela nnda nga u tou ongolowa, u elelwa hanga ha khwinesa. Khamusi itounu ima lwa tshifhinganyana, khamusi tshiñwe-who tshi nga ambiwa tshi no do dzhia . . . Kana, ni a divha, ni pfa zwithu; vhatu, ni a divha, u fana na mufemo u tshi kuḍana Natsho. Vha ri, “Malandu, o zwi bvumba,” kana, ni a divha, nga u ralo.

¹⁵⁰ Fhedzi, ni vhonala sa muthu wavhuđi, itonu amba na nne lwa tshikhathinyana. Kha ri ime hafha zwiṭuku, ngauri ndi humbula uri hu na tshiñwe-who tshi re mbiluni yanu tshine na khou ṭoda kha Mudzimu. Zwino, a tho ngo kona u fhindula thabelo yanu, fhedzi A nga dzumbu- . . . Ngauri, arali ni tshi zwi tenda, zwo no di fhindulwa. Fhedzi arali ni tshi ṭoda u tou tenda; u ni ita uri ni tende. Zwino, ndi a ni vhudza, zwi kwama mufunwa ane a sa vhe hone fhano, huno uyo ndi khaladzi, huno uyo khaladzi haho na kha lino shango. U kha shango la ḥangasi, maisha manzhi. Ndi do amba vhunga tshiñwe tshithu vhunga kha la Michigan kana zwiñwe . . . Ee, Michigan ndi hune la vha hone. Huno u khou ḥuphea nga dwadze li vhulayaho, nahone vhuleme vwho ndi ha tswio vhu sa alafhei he ha mu dina. Hezwo ndi zwone, kani? Ndi MURENA U RALO. Zwino, sagaduku ni re natsho tshanđani tshanu, tshe na tshi imisela kha Mudzimu, tshi rumeleni kha khaladzi aṇu huno ni mu vhudze a si timatime, fhedzi a tende, huno izwi zwi do, u do fhodzwa zwino arali ni tshi do zwi tenda.

¹⁵¹ Ni a tenda nga mbilu yanu yothe? Ni a vhona, zwenezwo, arali ni tshi tenda, hu na tshithu tshithihi fhedzi tshine na tea u ita, ndi, u zwi ḥanganedza tshothe. Ndi zwone?

¹⁵² Zwino inwi ni ri, “U khou vha sedza, avho vhatu. Ndi zwine a khou ita, u khou vha sedza.” Hezwo ni zwi vhona kanzhi!

¹⁵³ Fhedzi uri ni si divhe hezwi . . . Uyu mme hafha, iđani hangeno, mme, hafha, mulwadze, ane ni nga vha ni ene. A thi khou mu sedza. Ni a tenda uri Mudzimu a nga nzumbululela uri vhuleme hanu ndi mini? Imisani zwanda zwaṇu, arali ni tshi tenda, uyu mmē hafha, uyu mme hafha, mulwadze. Ee. Ee. Zwo luga, zwenezwo arali ni tshi do tenda izwo nga mbilu yanu yothe, uvho vhuleme hanu ha asima a vhu tsha do ni dina. Zwo luga, iyani hayani nahone ni zwi tende! . . . ? . . .

¹⁵⁴ A tsho ngo mu sedza, Tsho ralo? Ni a vhona, O . . . Ni sedza thungo *heyi*, bono li heneffo zwi sa londi uri hu bvelela mini. Amene! A ni zwi vhoni? Zwi tou vha zwone—zwone sa Mudzimu e ene—ene!

¹⁵⁵ Ni a tenda, na inwi-vho? Asima i nga ni ṭutshela, na inwi-vho, kani i nga si ralo? Ni a tenda i do ṭuwa? Žwo luga, iyani ni vhudze Murena Yesu uri ni—ni a Mu tenda.

¹⁵⁶ Liňwe duvha ni do tea u tshimbila no fara tho—thonga ṭhukhu arali iyo athiraithisi ya ni holefhadza, fhedzi a i khou yo zwi ita. A ni khou do ralo, a ni tendi uri i do ralo, ni ralo? Ni a tenda uri ni do luga tshothe? Tshimbilani ndilani yanu, huno Yesu Kristo u a ni fhodza.

¹⁵⁷ Vhuleme ha mbilu vhu vhulaha vhathu, fhedzi a vhu tei u ni vhulaha. Ni a tenda uri Mudzimu u do ni fhodzela hone, huno a ni alafha? Ṭuwani ni tshi khou zwi tenda nga mbilu yanu yothe, ni ri, “Ngangoho ndi a tenda ndi tshi itela zwone.”

¹⁵⁸ Ni amba Tshiisimane? Ni pfectesa Tshiisimane? [Mukomana Branham u ri, “Muňwe kha de.” Muṭalutshedzi u a da—Mudz.] Ee, zwo luga. Ni nga amba nae zwine nda mu vhudza? Mu vhudzeni uri arali a tshi do tenda, vhuleme ha dangani vhu do mu ṭutshela. U—u do zwi tenda? Vhuleme haṇu ha muṭodo vhu do ni ṭutshela, na inwi-vho, ngauralo zwino ni nga ya ndilani yanu nahone na fhola.

No vuwa hani? Ni a tenda? [U ri, “Ee, muñe wanga.”—Mudz.]

¹⁵⁹ Uyo munna o dzulaho afho na vhuleme ha mutodo, o ntsedza zwila ndi tshi amba izwo. A nga fhola, na ene-vho, arali ni tshi zwi tenda, muñe wanga. Zwo luga, muñe wanga.

¹⁶⁰ Mme o dzulaho tsini—tsini na inwi heneffho, ni na vhuleme ha mutsinga, a ni naho, mme? Ni a tenda uri Mudzimu u do ni fhodza? Ni ṭoda u vhea zwanda kha mutukana muṭuku u itela magona awe, huno u do fhola, na ene-vho. Ni a zwi tenda? No vha na vhuleme ha tshisadzini, vhuleme ha vha ha mmeni, a ni naho zwino. Lutendo lwaṇu lwo ni fhodza nahone lwo ni nea mutakalo.

¹⁶¹ Ni tenda Yesu Kristo, a sa shanduki mulovha, namusi, na lini na lini? Zwenezwo kha ri vhee zwanda zwashu kha muňwe na muňwe washu huno ri rabele iyi thabelo ya lutendo, muňwe na muňwe washu, a rabele thabelo ya lutendo.

¹⁶² Mudzimu a funwaho, musi ro putelwa nga maanda nga Vhuhone Vhukhethwa Hau, u vhona Iwe u tshi shuma v̄hukati ha vhathetshelesi, u tshi fhodza vhalwadze huňwe na huňwe. Iwe u Mudzimu. Ndi rabela uri U do fhodza vhathetshelesi avha vhothe. Tendela Mufemo wa Mudzimu u dzhena nga huswa mibiluni dzavho, huno ita uri vha diyhe uri tshifhinga tshi khou ṭuwa. Ri tou vha fhano lwa tshifhinganyana, zwenezwo ri do yo vha na Uyo Ane ra mu funa. Huno ngavhe zwino Vhuhone Hawe vhu tshi ḋisa phodzo kha muňwe na muňwe.

¹⁶³ Ri laťekanya Saťhane, ri laťekanya mishumo yawe yothe. Dzinani la Yesu Kristo, Saťhane, ibva kha vhathu.

¹⁶⁴ Nothe ni no do Mu tenda zwino, nahone na ḥanganedza phodzo yanu, imani nga milenzhe yanu, ni ri, “Ndi ima zwino u ḥanganedza phodzo yanga. Ndi a zwi tenda.” Hu sa londwi nyimele yanu, arali vhukuma ni tshi zwi tenda, imani nga milenzhe yanu. Zwino imisani zwanda zwanu, huno ni ri, “Ndi a u livhuwa, Murena Yesu, nge wa mphodza.” Mudzimu a vhe na inwi.



MBEU YA VHULUTA TSV65-0118
(The Seed Of Discrepancy)

Hoyu Mulaedza nga Mukomana William Marrion Branham, u rangani wo ḥewaho nga Tshiisimane nga madekwana a Musumbuluwo, Phando 18, 1965, u itela Vhučama Ha Dzitshakha Ha Vhanna Vha Bindu ḥa Mafhungo-maqifha O Dalaho ngei Westward Ho Hotel kha ḥa Phoenix, Arizona, U.S.A. wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2009 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org